

Hetman Josuago Po Elalubo Buku

Hasia Nedebo Po

Te buku Bomai Po tede Mosesgo si wali sogo te Godigo bomo yai po te Israel we bidi dabe augwalibolo ma ola mawai dao. Tama elama, tama Moses isali. Te e bukude te Israel dabego te Kenan moni tɔ sainu yali po dabe wai.

Te Israel hani dabe augwali te masigi kemi tɔ bulude bagula bilaludubadi, kibu be hauwa yali, te augwali bobage sogo te Godigo augwaliba mawaiba olama sa muani te tɔ sainogo tonalua peyu tama tialio. Tialima megɪ da, Godigo augwaliba usu da obaso, augwali te tɔ tomoba pali. Josua agai te Moses bidali pesage selama, tama aga te Israel dabe augwaligo polalubo tobolu bidi pedelali. Josuago bukude te Israel dabego yali sɛ po pusali, te gagalama peyu, te Jordan aɣi nogelama pali, te Kenan dabe augwali bidali tɔ sainogo te boi hwɣai dao. Te hwɣani po hauwa te bukude elalubao. Te boi hwɣani po bage te Godigo sa muyu daɣi ilali sunumi wali peyu, te buku Bomai Po Daɣi 20 tede wali po wali pelama, te tama tiali. God aga digi te augwaligo Aya bidiyu, te augwaligo boi hwɣani side aga polasa pabo bidi tiwai elaluali, te agai augwa wɣi nɔɣi dabe dali wali poba mu usu nai hagede tama tiai dao.

Josuago buku pedai sela elalubao. (1) Te Daɣi 1-12de Israel dabe augwaligo te Kenan tɔ sali po elalubao. (2) Te Daɣi 13-22de augwaligo te tigidali hani deli deliba te tɔ doba yali po elalubao. (3) Te Daɣi 23-24de te Josuago silagasu wabo po obaso, tama te Israel dabe augwaligo te bomo yai po kontrak po ma daɣi walalio. Augwaligo te po weyu bidada pabo sesemane sogo God deli naga wali peduaiba po daɣi wali, magi baso meni, agai moni genuai bomo hanilama ola mawai dao.

Te Josuago silagasobo po wali, te Josuago homugo ma koneani te tigidali sɛ Godigo bomai nogogo yali sɛ agai te Abrahamde bulali wɣi nɔɣi dabe augwaliba mawaiba wali tɔ saiba wali poba mu usu nai da, te homu yalio. Tama Josuago po hanilama pusuyu, tama wali, “Te dagego Genuai Bidiba lotu wabo homu isaɣbaso da, teda dagego bugagia homu kone palao. Te dagego deba lotu po waibawe? Tiali goli eno da, ena we wai puluba dali, dago te Genuai Bidiba lotu waibao.” Daɣi 24:15de, te po elalubao. Te e bukude genuai koneabo polalubo homu kolesaga te dao.

Te Israel dabe augwaligo te Kenan t̄o sainu sisi elaluali

(D̄aḡ 1-12)

1 ¹Te Moses aga te Godigo s̄e bidi dao. Tama Josua te Nungo ogwa te Moses tau sali bidi dao. Moses isai madi, tama Godigo Josuabolo te tiwai po wai, ²“Eno s̄e bidi Moses isalio. Tialima, nage megi da, sisi yao. Nage dali te Israel we bidi tigidali dage e Jordan w̄e nogelama, tama eno dage mawainogo ebo te t̄oḡa sabolao. ³Eno Mosesbolo te tiwai po d̄aḡ walali, te dage soabo t̄o tigidali badu, te eno dagebolo mawaibao wai dao. ⁴Te dagego t̄o sesege badu gagalama, te tiwai elaluaibao. Te olo masigi kemi t̄o elalubo te olo page badu gagalasa, u bulu du Lebanon te olo page meba, teba usu nigi pelama, tama te giliga pedalubo badu te genuai w̄e Yufretis te badu usu nigi peyu, tama te Hit we bidi hanigo tigidali t̄o pedai badu d̄aḡ igi pelama, tama te giliga dega sigi pabo badu te genuai tamu aḡ, te badu d̄aḡ igi paibao. ⁵Te bidi me deligo te dage aiyaba elalumainu elama, te nage isimainu ebo, te usu me egobeo. Te ena nage dali bidiyu, te ena Moses dali bidali tiwai gilama yaibao. Eno homugo nage me gegeda palogobeo, eno nage munu me taga pogobeo.”^a ⁶Nage bomo elama dolaluyu, tama nage wi me elamuo. Magi baso meni. Te nago te we bidi dabe augwali te eno augwalibolo mawaibao wali te t̄o pedaiba odasa pomainu yaibao, te tiwai eno te po augwa w̄aḡibolo d̄aḡ wai dao.”^b ⁷Tama tibaso, nage bomu elama dolaluyu, tama nage wi me isiḡyu, tama habu bulu me pelamuo. Nago bugagia tonaluyu, tama eno s̄e bidi Mosesgo nagebolo mani bomai po tigidali mu wali pao. Nago te bomai po me badu dwasianu munu me tagalamuo. Nago te bomu yai po dabe tigidali bugagia wali peyu da, teda te nage mena badu pabo te nage munu me dolomainu me egobe, te nage bugagia naga bidaibao. ⁸Nago te bomai po elalubo bukugo po munu me homugo gegeda pelamuo. Te nago bugagia tonaluyu, tama te bomai pode elalubo tigidali po mu wali pomainogo eyu, nago te giligade me, hulide me, nago te bomai pode bugagia skul elama, konea sao. Te nago tama tiyu da, te nago gasa s̄e tigidali ebo te wiegi yai naga ilaibao. ⁹Eno nagebolo wai dao. Tama nage bomu elama dolaluyu, tama nage wi munu me isiḡyu, tama nage magi nai me delide habu bulu me pelamuo. Magi baso meni, ena God, te nago Genuai Bidi, te ena nage dali te nage pabo tigidali buluba paibao,” te po wali.

¹⁰Tialima, Josuago te we bidi augwali tonalubo tobolu bidi dabebolo te po wai, ¹¹“Dage te we bidi bidibo pesage tomode bagula biliyu, te we bidi augwalibolo te po waiḡo, ‘Te duga nai dabe sisinao,’ po wao. ‘Sela sogo naga digi elalubao, tama dagego e Jordan w̄e nogelama, tama God, duga

^a 1:5 Bom 11:24-25; 31:6, 8; Hib 13:5 ^b 1:6 Bom 31:6, 7, 23

Genuai Bidigo, dagebolo te mawaibao wali te t̄o dagego saibao,' tama po wao," Josuago te po wai.

¹²Tama Josuago te po te Rubengo hanibolo, me Gatgo hanibolo, me te Manasego hani me badubolo me te tiwai po wai, ¹³"Dagego te po bugagia homu kone palao, te tigidali po Mosesgo dagebolo wai dao, aga te Genuai Bidigo s̄e ebo bidi bidali. Agai te po wali, 'God, duga Genuai Bidigo, e t̄o dagebolo menama, tama dage tede bidiyu, toma tuabo madi elaluaibao,' te po wai. ¹⁴Tialima, dagego e t̄o habu badu dagego selama da, tama duga we wai puluba me, te kibu dabe badi, augwali ede te w̄ Jordan e badu te Mosesgo mani t̄ode tonaluyu bidagameo. Tiali goli, dagego ami bidi dabe da, augwa hw̄abo nai dabe dodolama, tama e w̄ nogelama, te abagi dabe dali augwali polasa pelama, tama augwali tudi badu tonaluyu, te w̄abi hw̄ibo tau somainao. ¹⁵Te duga Genuai Bidi Godigo e t̄o dagebolo mawai dao. Tama dagego te gasa Israel hani bage duga abagi dede tau siyu, tama agai augwalibolo mabo t̄o sabo sogoba usu nagasu yao. Tama elama, te boi pilama wiegi yai pemene ebo sogo elaluyu, tama augwali me te toma tueibao, te dage meḡi ebo tiwai gilama yaibao. Tama tiliama, tama nosali dage duga e t̄oba ma asomainogo, polobadu te t̄o Mosesgo dagebolo mawai dao, e t̄o te Jordan āi badu, te giliga pedalubo badu dao," Josuago te po wai.^c

¹⁶Tama tigidaligo Josuabolo po wei ponoyu, te po wai, "Awe," wali. "Te dago nago dabolo wali po tiwai gilama, te tama tigidali s̄e dago yaibao. Tama tigidaliba nago da tagala palobaso da, teda da teba paibao. ¹⁷Te dago nago po tigidali wali peyu, te dago Mosesgo po sesemane sogo wali pali tiwai gilama yaibao. Tama dena homugo te God, naga Genuai Bidi, te nage dali bidiyu, te polobadu Moses dali bidali tiwai gilama bidimainao. ¹⁸Te bidi me deligo hagoma eyu, nago po sela s̄abaso da, te aga isimainu yaibao. Tiali goli, nage da, nage te bomo elama bidiyu, tama nage wi munu me elamu dao!" wali, te we bidi dabego.

Josuago te moni hanu Jerikoba te sa pabo bidi si tagala palai

2 ¹Te Israel dabe augwali te bulu Sitimde bidalubadi, tama Josuago te moni t̄o Kenanba sa pabo bidi si tagala palali, tama agai augwali sibolo te po wai, "Dage si pelama, te moni t̄o Jeriko genuai hanu me, te p̄ade elalubo t̄o me, bugagia suao." Tialima, te bidi si te Jeriko hanu t̄oba pelama, tama te penani we me deligo beba sabolali, te we aga nogi Rahap. Tama augwali si agai bede bidai.^d

²Tama gasa bidi dabe augwaligo te Jeriko tuni bidibolo te tiwai po wai, "Dua dao! Te Israel bidi meba te e sogo hulide te t̄oba sa asobo bidi asai dao." ³Tama te t̄ode te gavman tuni bidigo te tiwai po odolama,

^c 1:15 Bom 3:18-20; Jos 22:1-6 ^d 2:1 Hib 11:31; Jer 2:25

agai te bidi meba tagala palama, te po te Rahapbolo wagi pao wali, “Te nago bede bidibo bidi dabe, augwali te e t̄ba sa asai bidi dabe dao! Nago augwali odasa asao,” wali.

⁴Rahapgo te bidi si deli deli geme dualama, tama agai te tuni bidigo po tolagasali bage augwalibolo te po wai, “Mu tamao, bidi meba te eno beba asali. Tiali goli, augwali mena bulu badu asali te eno konebeo.

⁵Te be pio ebode, te bidi dabego te hanu tomoba asobo genuai sunumi palibo sogo, augwali ede bidali ma tagalali. Augwali menaba pali, eno konebe, augwaligo enabolo me wabeo. Tiali goli, dagego augwali wali polo pobaso da, teda dagego augwali gegebo usu yaibao,” te po wai. ⁶Mu tamao, Rahapgo te po wali, tiali goli hasia bolo agai augwali si te aga bidigi beba ugwaba odasa holama, tama agai augwali si te aga te name ugwa nigibo nosai dabe dunama muani, te dologoba geme dualai dao.

⁷Tialima, megi da, te tuni bidigo bage augwaligo te hanu tagalama, tama augwali te sa asali bidi si gegegi peyu pai. Augwaligo gege pali pidubadi genama, te w̄ Jordan bolabo madi me deliba pabo sunumidu pai. Nosali augwaligo te hanu taga soai madi, te sunumi tonalubo bidi dabego te hanu tomoba pabo genuai sunumi paliali.

⁸Te Israel bidi si godege pis̄badi, tama Rahap te be ugwaba holama, ⁹tama augwali sibolo te po wai, “Eno koneani, Genuai Bidigo e genuai t̄ te dage Israel dabego nogoba mawainogo ebao. Tama eno po dolo mu dage sibolo obao. Da tigidali dagede wi elama, tama da didibili dwai mu ebo. ¹⁰Magi baso meni, dagego te Isip t̄ taga soali sogo te Genuai Bidigo te Nosai Elaluali Tamu Āi wai ilali po augwaligo dabolo te po pusai. Tama dago odali, dagego te Amor dabego gavman tuni bidi Sihon de Ok si me, te augwali sigo ami bidi dabe dali, te w̄ Jordan u badu ela silali po dago odai dao.^e ¹¹Dago te po odolama, tama da dagede wi mu ebao. Tama megi, da tigidali bomo menio. Magi baso meni, God, dagego Genuai Bidi, aga te dagalu de t̄ sigo God dao. ¹²Tialima, megi da, dage sigo te Genuai Bidigo gedude te dage sigo eno hani bage bugagia tonaluabo po dā walao, magi baso meni, te eno dage si bugagia tonaluali tiwai gilama yao. Tama dage sigo duga si dā wali po mu dā walobo dā me dedeli enabolo mao. ¹³Tama mayu, dage Israel dabego te eno aya ida badi, te ama, me abe, me te augwa hani bage tigidali munu me ela munamuo! Dage sigo te bidi dabe augwaligo da elemainu sula tagalu munu me tilamu dao!” te we Rahapgo te po wali.

¹⁴Tialima, te bidi sigo po wei ponoyu, te po wai, “Da sigo po nagebolo dā mu obao. Tama da sigo te dā wali po togobaso da, te Godigo da si dolomainu yaibao. Te nago da sigo yali s̄ po dabe hanilisībaso da, teda da sigo te dā wali po munu me togosīyu, te nage dali, nago hani bage

^e 2:10 Sai 14:21; Nam 21:21-35

dali tau saibao, te Genuai Bidigo te genuai t̄q dabolo mabo sogo te tama tiaibao,” te po wai.

¹⁵Te penani we Rahapgo be te moni hanu bagulali obo dali kisilai elaluai, tama me badu d̄aj togwali badu te be pola sali windo dedage te obo ugwadu elaluai. Tama Rahapgo te bono baklain te windode k̄enama, tama baklain te masigigo nigali bobobage obo bulu badu manama, te bidi sigo te bonodu nogo toda duluyu, aiyaba dulama, te hanu buluba d̄j̄ pomainu tama tiai dao. ¹⁶Tama augwali si tama painu ebadi, tama Rahapgo te po wai, “Dage si te bulu duba geme duala sigi pelama, sela sogo bidao. Tiyu, tuni bidigo bidi dabego dage si gegelama, suabuo. Nosali augwali te Jeriko hanuba ma soai digi, teda duga si buluba ma pao,” wali.

¹⁷Tama te bidi sigo Rahapbolo te po wai, “Te da sigo nagebolo te yao wabo s̄e tigidali ela silibaso da, teda da sigo meḡi nagebolo e d̄aj wabo po munu me togogobeo. ¹⁸Tialima, meḡi nago bugagia oda! Te da Israel dabe e buluba sabalobo sogode, nago te mama yai bono k̄enao, meḡi da si aiyaba e dulubo windode, te da sigo nagebolo e mabo mama yai bono k̄enao. Tama nago naga aya ida, me te ama dede dabe, me te naga hani bage tigidali selama, tama augwali nago beba naga sisinao. ¹⁹Te me deli te bede bidali tagalama, te hanuba pabo sunumidu pobadi, tama augwali ela muani da, teda aga digi te dolabo page yali dao. Te da sigo s̄e menio. Tiali goli, me deli te be tomode bidibadi dolobaso da, teda te s̄e yali page da side elaluaibao. ²⁰Tiali goli, dua dao! Te nago da sigo e yali s̄e po pusuyu da, teda da sigo d̄aj wali po te sia saibao,” wali.

²¹Tama Rahapgo po wei ponani, “Eno dage sigo pode usu da po obao.” Agai te tama po olama, tama agai augwali si tagala palai. Nosali agai te mama yai bono te be windode gebelai.

²²Tialima, te bidi si te bulu du dabeba sabolama, tama augwali si geme dualaludai. Tama tuni bidigo hani dabe augwaligo te bidi si te sunumidu tigidali bulu badu sela sogo gegeđu gegeđu badi geai. Tiali goli, augwaligo bidi me deli susībaso, tama augwali te moni hanu Jerikoba ma geasa pai. ²³Nosali te bidi sigo te bulu du dabe tagalama, tama aiyaba dulai, tama augwali si te w̄ Jordan nogelama, tama te Josua bidibo madi ma sabolama, tama te tigidali s̄e pedelali po agabolo pusai. ²⁴Tama te bidi sigo Josuabolo te po wai, “Mu tamao, Genuai Bidigo te t̄q tigidali da nogoba mawaibao. Awe, te t̄q tolalubo tuni bidi aga we bidi tigidali dade te dwai wi mu ebo dao,” wali.

Te Israel dabe augwaligo te Jordan w̄e nogai

3 ¹Tama Josua te kigamu digi mu hodaluama, tama aga dali te Israel dabe augwali te bidali pesage te Sitim tagalama, tama augwali te Jordan āiba sabolai. Tama augwali bidabo pesage tede nigai. Augwaligo

te wẹ Jordan nogobeo. ²Te nosali pabo sela sogo elalubadi, te genuai bidi nigali bidi dabe te pesage tomode biliyu, ³tama te we bidibolo te tiwai po wai, “Dagego te Livai dabego pris bidi hani dabe augwali pabo subo sogo, tama te dago Genuai Bidi Godigo bomai po daḡ wali po muani halobage tolasa pobaso da, teda dage hogodama, te duga tigidali doado bage selama, tama augwali wali piaḡ. ⁴Tama tiyu, dage pabo sunumi te duga konemainu ebao, magi baso meni, dage te buluba polobadu me sabolisiḡwai. Tiali goli, te bomai po daḡ olama muani halobage paḡba dage munu me pelamuo. Menio. Dage te dwasianu digibulu gana te po daḡ wali halobage tolasa pabo wali pao,” te genuai bidi nigali bidi dabego augwalibolo wali.

⁵Tama Josuago te we bidi dabebolo te po wai, “Te duga homu me kolesaga dodolobo seḡ iliyu, lotu po wao, magi baso meni, do da, te Genuai Bidigo noma sabo bomai seḡ te dage tomode yaibao,” wali. ⁶Nosali Josuago te pris bidi dabebolo te po wai, “Dagego te bomai po daḡ wali halobage te we bidi augwali nosaliba ilama, polasa te halobage tolasa pao,” wai. Te augwaligo tama tiai dao.

⁷Tialima, Genuai Bidigo Josuabolo te po wai, “Megi da, te eno nago nogi ugwaba sabo seḡ te Israel dabe augwali gedude gagalaibao, te ena nage dali bidibo konemainu, te ena Moses dali bidali tiwai gilama yaibao. ⁸Nago te bomai daḡ wali po muani halobage tolobo pris bidi dabebolo te po wao, ‘Dage te Jordan aḡ sesegeba sabalubo sogo, dage te wẹ tomoba doligi pelama, tonaluyu, bidao,’ te po wao,” wali.

⁹Tama megi da, Josuago te Israel dabe augwalibolo te po wai, “Dage te paḡba aselama, te Godigo po odao, te dago Genuai Bidi dao. ¹⁰Megi da, dagego te dena God, te bidibo ula elalubo God, aga te da tomode elalubaso, tama agai te Kenan dabe me, te Hit bage dabe me, te Hivi dabe me, te Peres dabe me, te Girgas me, te Amor me, te Jebus dabe badi, te tama bidi hani dabe te Godigo bomogo sela saḡbo te dagego koneaibao. Dagego te Godigo bomo bugagia sula selama, mu konemainu eyu, ¹¹te Godigo daḡ wali bomai po muani halobage te tolasa polasa peyu, te wẹ Jordan nogobo sogo te tiwai yaibao. ¹²Tama tibaso, dagego te Israel hani deli delide te deli deli bidi selama, te nogo si olama, saḡago si bidi nigilao. ¹³Te pris bidi dabego te tigidali toḡde Genuai Bidi Godigo te daḡ wali po muani halobage tolasa pabode, tama augwaligo saḡa te wẹba agabo sogo, teda te wẹ tigidali daḡ mu ola sigi pelama, tama te wẹ me soagobeo. Magi baso meni, te ugwadu wẹ daide te bulu du me dedeli tiwai gilama dolaluaibao,” Josuago te po wali.

¹⁴Tialima, te we bidi augwali te bidali pesage tagalama, te wẹ Jordan nogoainu yali. Tama te pris dabego te daḡ wali po muani halobage tolama, tama augwali polasa pai. ¹⁵Te sogo te inawai nai gide sabo sogo, tama te Jordan wẹ genuai asobo sogo dao. Tiali goli, augwali te

wę sesegeba sabolama, tama augwaligo sągą te węba agabo sogo, ¹⁶ te wę togoyu, mu daų olama, tama te wę ma soabeo. Te wę ugwadu te bobobage bulu du tiwai gilama, te bulu Adamba usu nigi pelama, te wę pesage holai tiwai elalui, te Saretan hanu me deli pąde yali. Tama te sigi ą Det Si teba dulubo wę te tigidali sula sai elalui. Tama te we bidi augwali te wę tomodu pelama, te Jeriko hanu pąba u badu sabolai. ¹⁷Te Israel dabe augwali te tų wa pai madi naga pai. Tama te Genuai Bidigo te daų wali po muani halobage tolali te pris bidi dabe, augwali te wę Jordan sula sali digi te tų dolo tomode dolaluali, te we bidi tigidali te wę nogelama, gasaba u badu sabola silibo usu nigi pomainu yai.

Josuago te masigi nogo si olama, sągągo si te Gilgalde pesage holali

4 ¹Te tigidali Israel dabego te wę Jordan nogola silali sogo, Genuai Bidigo te tiwai po Josuabolo wai, ²“Te Israel hani deli delide, te nago bidi deli deli siyu, tama nogo si olama, sągą badu si bidi nigilao,” po wai. ³“Tama augwalibolo te po mao, ‘Dagego te pris dabe dolalubo badu te Jordan wę tomode te masigi nogo si olama, sągągo si sao. Tama te masigi dabe dagego te megi hulide bidabo pesage nigibo digi te tolasa asama, muao,’ ” wai.

⁴Tama po obaso, Josuago te bidi nogo si olama, sągągo si bidi nigilama, tama agai augwali i olama, asobode tama augwalibolo te po wai, ⁵“Dage te Jordan ąba dulama, tama te dago Genuai Bidi Godigo te daų wali po muani halobage tolali bidi pris dabe augwali edelao. Dagego te genuai masigi dabe sąo, te Israel hani nogo si olama, sągą badu si usu nama sao. Tama dagego te deli deli masigi te duga nagede munama, tama tolasa asao. ⁶Te masigi dabede te Genuai Bidigo yali sę dabede te we bidi augwaligo homude konealuabo sę daų tama ilaibao. Tama nosali nosali sogo te duga wąj te nosali ame nabo wai dabego dagebolo te masigi dabe tede magi baso munalubawe po hanalu obaso da, ⁷teda dagego augwalibolo te po waiąo, te Genuai Bidigo daų wali po muani halobagego te wę Jordan nogali sogo te wę sula sai elalubadi, te masigi dabe sai dao po wainogo tama tiwai. Tama te masigi dabego te Israel dabego homu te sesemane bidada pabo sogo hogodomainogo tama tiao,” wali.

⁸Tialima, te bidi dabego te Josuago po wali gilama tama tiali. Augwali te Jordan wę tomoba pelama, tama te masigi nogo si olama, sągągo si sai, te Genuai Bidigo Josuabolo wali po gilama tiwai. Tama augwaligo te masigi dabe te sogo bidabo pesageba tolasa aselama, muagasai. ⁹Tama Josuago te gasa masigi dabe te nogo si olama, sągą badu si masigi te pris dabego te daų wali po muani halobage tolaluyu dolaluali madi, te Jordan ąj tomode te sesege badu te masigi dabe dodolai. Tama te masigi dabe me elalubo dao.

¹⁰Te pris dabe te Jordan ąj tomode me dolaludubadi, te bidi dabego te tigidali sę te Genuai Bidigo me, te Mosesgo me, te Josuabolo po wali sę

tigidali ela siligi peyu, usu nigi pai. Te we bidi augwali polo mu te wẹ u badu sabolai. ¹¹Tama nosali augwali sabola silaide, te Genuai Bidigo daḡ wali po munalubo halobage tolali pris bidi dabe, augwali me te augwali pela saboligi pelama, tama nosali augwali tudiba ilama, augwali ma poligi pai dao. ¹²Te Rubengo bidi hani dabe me, te Gatgo hani me, te Manasego hani me badu badi, augwaligo te hwjainogo sisi elama, tama augwali polasa peyu, te gasa we bidi dabe augwali tudiba togolama, te Mosesgo augwalibolo wali po tiwai gilama yai. ¹³Te hani selago hwjabo sisi yali bidi hani te bidi sese umabo, 40,000 bidigo te hwjainu sisi yai, tama Genuai Bidigo gedude augwali te doloba pai tḡ odogo malu me deli te hanu Jeriko paḡa sabolai.

¹⁴Te Israel dabego te sogode te Genuai Bidigo augwalibolo yali se dabe sulama, tama augwaligo te Josua nogi ugwaba sali, augwaligo te Mosesbolo te tigidali sogo te aga nogi ugwaba sidubadi, te aga isiboba usu nagasali tiwai gilama yai dao.

¹⁵Genuai Bidigo Josuabolo te po wali, ¹⁶“Te pris dabebolo te daḡ wali po tolali bage augwaligo te wẹ Jordan tagalama, edaba holao po wao,” wali, ¹⁷tama Josuago te tiwai po augwalibolo wai. ¹⁸Tama te daḡ wali po muani halobage tolali bage te pris dabe te sesegeba sabolai digi, te wẹ daḡ olaluali te gelama, tama aga soali pesagede dolo ma soai dao, genuai mu eyu tama yali.

¹⁹Te we bidi augwaligo te Jordan wẹ nogali, te polua delide, te dei nogo si, te sogo te wẹ nogali, tama augwali bidali pesage te Gilgal, tede te Jeriko hanu paḡe te giliga pedalubo badu te pesage nigai dao. ²⁰Te Gilgalde Josuago te masigi nogo si olama, saḡa badu si masigi te Jordan aḡide te bidi dabego sali masigi tede ugwaba dodolai. ²¹Tama Josuago Israel dabebolo te tiwai po wai, “Nosali, te ame nabo wai dabego te augwa aya dabebolo te tobage po hanalu obaso, te e masigi dabe magi baso ede munalubawe po obaso da, ²²teda augwaligo augwalibolo te po waiḡo, ‘Te Israel dabego te Jordan wẹ te wẹ sula sai digi nogali te daḡ ilali te dao,’ te po wao. ²³Magi baso meni, te dago Genuai Bidi Godigo te wẹ Jordan wai ilali, te dage asobadi polasa soyu tama tiwai, te dage gasa badu sabolomainu usu ilai, te agai te Nosai Elalubo Tamu Aḡi wai ilali madi te da nogali tiwai yai dao. ²⁴Genuai Bidigo te se yaligo da, te tigidali tḡ badu bidibo tigidali bidigo te agai bomo konemainu elama, tama dagego duga Genuai Bidi Godibolo sesemane sogo te lotu po omainogo yai dao,” Josuago te po wali.

Te Israel bidi dabe tigiwali togolama, te Pasova nai te Gilgalde tuai

5 ¹Te sia ge dulubo badu te Jordan wẹ badu, te Amor tḡde bidibo te tigidali tuni bidi dabe badi, te genuai tamu aḡi Mediterenian te sesegeḡe te Kenan moni tḡde bidibo tigidali tuni bidi dabego me,

augwaligo te Genuai Bidigo te Jordan wẹ wai ilai digi te da Israel dabego te wẹ nogali po odali. Tama te da Israel dabe augwali pąba asobaso, te tuni bidi dabe augwali wi dwai mu eyu, tama augwali homu didibili mu yai dao. ²Nosali Genuai Bidigo Josuabolo te po wai, “Te masigi hwą ge poa pai meba nigilama, tama te Israel bidi dabego tigiwali pedai togwao, te Israel dabe augwaligo polobadu yali tiwai gilama yao,” te po wai.

³Tialima, Josuago te hwą ge dabe nigilama, tama te bidi dabego tigiwali te dwasianu bulu du me deli tede togwali, tama augwaligo te bulu du nogi poyu, te Tigiwali Togobo Bulu Du dao po wai. ⁴Agai te kolesaga yali page, e tiwai. Te Israel dabego te Isip tọ taga soali sogo, te hwıbo usu yali bidi dabe tigidali, augwali te olo kemi tọ bulude isila pai dao. ⁵Te tigidali bidigo te Isip bulu taga soali sogo, augwaligo te augwa tigiwali togwai. Tiali goli, te idago te olo kemi tọ bulude ame nani bidi dabe, augwaligo tigiwali te me togosiawai. ⁶Te Israel dabe augwali te nai meni yai olo kemi tode bilaludubadi, te kibu be bidi sese si 40 yia yai. Te sogo te hwıbo usu yali bidi dabe tigidali te augwali isila pai. Magi baso meni, te augwaligo Genuai Bidigo po wali me pisąbaso, tiwai dao. Te mu tama Genuai Bidigo te wąi dabe augwalibolo po daų waliyu, agai te tọ dabolo mawaibao wai. Te tọ da, te wiegi yai mu dao. Tiali goli, agai te po wai, te po sela sąbo bidi dabe augwaligo me sugubeo, wai.^f ⁷Tiali goli, te augwali bidali pesage hasegelali, te augwaligo ogwa dabe te tigiwali me togosiawai, te augwali kemi tọ bulude bilali sogo. Tama megı Josuago te tiwai se augwalibolo yai. ⁸Augwaligo te tigidali bidigo tigiwali togwa silama, tama te Israel dabe augwali te pesagede bidibadi, te bidi dabe augwaligo keni pedela sabo sogoba usu nagasai.

⁹Nosali Genuai Bidigo Josuabolo te po wai, “Polobadu dage te Isip tode olo se eyu bidai, tama dage hale mu yai. Tiali goli, megı eno dage te hale yali se te dagala sąbao,” wai. Tama tibaso, te e sogo megı bubugade augwaligo te bulu nogi Gilgal wali, te page e dao, “Dagala sawai.”

¹⁰Te Israel dabe augwali te bulu nogi Gilgal te doloba pai tọ Jerikode bidaluyu, tama te namba wan polua, dei te 14de, tede augwaligo te hulide te Pasova nai tuai dao.^g ¹¹Te nosali side te Israel dabego te nai bali me wit te Kenande sai. Augwaligo te bali ulama, te bo disawai nai bret nigilama, tama augwaligo tuai dao. ¹²Nosali te sogo te nai mana te munu ma dulubeo. Tama te Israel dabego te Kenande elalubo nai naga selama, tubo gagalalio.^h

Josuago te bainat hwą tolaluali bidi dali po wai

¹³Josua te hanu Jeriko pade bidali sogo, agai bidi me deli te bainat hwą ge tolaluyu, dolalubo suai. Tama Josua aga dwai noma mu selama,

^f 5:6 Nam 14:28-35 ^g 5:10 Sai 12:1-13 ^h 5:12 Sai 16:35

tama agaba pelama, tama agabolo hanalu wali, “Nage te dago ami bidi me deli dawe, ma nage te boi bidi me deli dawe?” te po wai.

¹⁴Te bidigo te po wei ponai, “Ena te ami bidi meni, tama ena te boi menio. Ena te Genuai Bidi Godigo ami kepten bidi dao,” wai. Te Josua aga tobolu te tɔba aiyaba mu pogulama, tama agabolo lotu po weyu, te po wai, “Ena nago sɛ bidi dao. Nago homugo eno mena sɛ emainogowe?” te po wai.

¹⁵Tama Genuai Bidigo ami bidi keptengo Josuabolo te po wai, “Nago naga sɔɔ nadoba dɔa sɔyao. Magi baso meni, te nage dolalubo tɔ, te gasa wiewi yai tedali mu elalubao.” Tama Josuago te tiwai tama yai.

Jeriko hanu dolai

6 ¹Te Israel dabe augwali te pɔba bidagasai elalubaso, tama te Jeriko hanu tomode bidibo bidi dabego te hanu tomoba pabo sunumi tigidali bugagia daɔ walali. Te bidi dabe buluba peyu, edaba asu yabo usu me ebeo. ²Tiali goli, Genuai Bidigo Josuabolo te po wai, “Bugagia oda! Te eno nagebolo te Jeriko hanu badi, te aga tuni bidi me, te bomai ami bidi dabe me, te eno nago nogoba mawaibao. ³Nago naga ami bidi dabe dali te deli sogo te deli bubugade te nogo a naga olama, me badu deli sogo te hanu bagula bilao. ⁴Te nogo a naga me si wabo sogo te pris bidi te daɔ wali po muani halobage tolali bage polasa pabo badu te augwali poligi pelama, tama augwaligo te bu wabo nai biugel tolomainu yao, augwaligo te omai kibu sipsip gaɔ pedelaligo nigai. Tama te nogo a naga me badu si wabo side, nage dali te ami bidi dabe badi tama te hanu bagula nogo a naga olama, me badu si te tama sogo biliyu yao,” wai. “Tama dage te hanu obo sesege badu bagula bilibo sogo, te pris dabego te bu wabo nai biugel te bu ola biliduao. ⁵Te augwaligo te biugel bu wabo te bobobage mu kegasa pabo sogo da, teda dage tigidaligo te i olama, po daga genuai mu wao, tama te po obadi, te hanu bagulali moni masigigo nigali obo masigi te pepeda paibao. Tama tigidali bidi te hanu tomoba dolo pomainao,” wali.

⁶Tialima, Josuago te pris dabe i olama, asobode tama augwalibolo te po wai, “Dagego te daɔ wali po muani halobage tolao,” wai. “Tama te pris a naga me badu sigo te biugel tolama, tama te daɔ wali po muani halobage tolali bidi dabe asobadi, te augwali poligi pao,” wai dao. ⁷Nosali Josuago te we bidibolo te po wai, “Dage piɔ! Dagego te hanu bagulali masigi obo bagula biliyu, tama te ami bidi dabe te Genuai Bidigo daɔ wali po muani halobage tolali bidi dabe asobadi te polasa pao.” Te po wai.

⁸Tialima, augwaligo te Josuago wali po tiwai gilama yai. Te pris bidi dabe a naga olama, me badu si te Genuai Bidigo te daɔ wali po muani halobage tolali bidi dabe nosali asobadi, te augwali te Genuai Bidigo

gedude polasa peyu, te biugel bu ola pai. ⁹Tama ami bidi dabe meba te pris dabe pabo badu polasa peyu, tama meba te daꝓ wali po muani halobage tolali bidi dabe pabodu nosali pai. Tama augwali pali sogo, te a naga olama me badu si te pris dabego te nai biugel bu olalua pai. ¹⁰Tiali goli, Josuago te we bidi augwalibolo te po wai, “Te dagego te i me te kilikili me deli munu me wasiꝓbadi, te eno po dagebolo waboba te usu nigí pao,” wali. ¹¹Te agai te pris dabe dali, te Genuai Bidigo bomai po daꝓ wali po muani halobage tolali bage dali tagala palama, te hanu deli sogo bagulama bilimainogo yai. Te augwali ma geasa aselama, te sogo hulide augwali bidali pesageba ma bidagasai.

¹²Tama Josua te kigamu digi mu hodaluama, tama te pris dabego te daꝓ wali po muani halobage ma selama, tama tolasa palio. ¹³Tama te a naga olama, me badu si te pris dabego te bu wabo nai biugel te a naga olama, me badu si selama, tama polasa peyu, te bu wabo nai biugel bu ola pai. Tama ami bidi dabe meba te pris pabo badu polasa peyu, te meba nosali asiyu yai. ¹⁴Augwaligo te tiwai naga te si sogo elama, tama augwa bidali pesageba ma geasa asai. Augwaligo te tama tiwai sꝓ te nogo a naga me deli sogo te tiwai sꝓ yai dao.

¹⁵Te 7 wabo sogode, te be posobaso, tama augwali hogodaluama, te augwaligo polobadu yali tiwai gilama, augwaligo te hanu bagula bilai. Tiali goli, te bubugade augwaligo te hanu bagula bilali te nogo a naga sogo olama, me badu si, te tama sogo bilai. ¹⁶Te tama sogo bilali silama, teda te pris dabego te bu wabo nai biugel te bu wabo mu bobobage sesabia pabode tama Josuago te we bidi augwalibolo te po wai, “Te i bomo elama, waiꝓ! Genuai Bidigo te hanu dagebolo mawai dao! ¹⁷Dago te hanude elalubo tigidali nai dabe dali dolinao, dago te ofa me deli te Genuai Bidibolo te tigidali mabo tiwai gilama yao. Te penani we Rahap naga, te aga aya ida, aga hani dali, augwali te me ela munamuo, magi baso meni, agai te hanu sa asela suagasomainu tagala palali bidi si geme dualai dao. ¹⁸Tiali goli, dagego te hanude nai me deli sidali weyu habu sai. Te dagego sali da, teda te dolabo te moni dwai sꝓ te dage Israel dabe bidibo pesagede mu pedelaibao.” Te po wai. ¹⁹“Te tigidali nai augwaligo te silvago me gol me bras me ain, tego nigali nai dabe, te Genuai Bidigo nai dabe naga dao. Dagego te Genuai Bidigo mone mubo beba naga sela asao,” Josuago te po wai.

²⁰Tialima, te pris dabego te bu wabo nai biugel bu wai. Tama te we bidi augwaligo odobo sogo, deli sogo mu tigidaligo te genuai i wabo sogode tama te hanu bagulali obo dabe te gisigasa dulali. Tama tiai digi, nosali te we bidi tigidali te tomoba pelama, tama augwaligo te hanu sai dao.ⁱ ²¹Augwaligo te tigidali we bidi me, te gesi we bidi me, te monu

ⁱ 6:20 Hib 11:30

dabe, mosi dabe me, te bulmakau dabe me, sipsip, donki me, te nai dabe dali augwaligo te moni hwa bainatgo ela silai.

²²Tialima, hasia bolo Josuago te buluba sa asela suagasali bidi sibolo te po wai dao, “Dage si te penani wego be tomoba pelama, tama aga dali, te aga hani bage dali, augwali te selasa asama, te duga si daŋ wali po tiwai gilama yao,” te po wai. ²³Tialima, te bidi si te be tomoba pelama, tama Rahap dali, te aga aya ida, me ama dede, me te tigidali hani wai puluba, me te augwa se olo ebo bidi dabe, te augwali selasa aselama, tama augwali sigo te bage augwali te Israel dabe augwali bidibo pesage pađe tagalama, bidaluai.

²⁴Tama nosali te Israel dabe augwaligo sia nogolama, tama te hanu me te tomode elaluali nai tigidali te siago dai. Tiali goli, hasiabolo te Israel dabego te gol, me silva, me bras, me ain, tego nigali te nai dabe augwaligo selama, tama deli madi sisinama, te Genuai Bidigo mone mubo be tomoba muai dao. ²⁵Tiali goli, Josuago te Rahap me te aga hani bage tigidali bidalumainu sula tagalai, magi baso meni, agai te bidi si Josuago te Jeriko toba sa asobo bidi tagala palali sogo, agai te bidi si geme dualai. Tama te we Rahapgo waŋ hani dabe te Israelde bidada asali, te megi e po asebo sogo me bidibo dao.^j

²⁶Tialima, Josuago bomai po te we bidi augwalibolo weyu, te tiwai po wai, “Te bidi me deligo e hanu Jeriko ma nigibaso da, teda Genuai Bidigo te bidi dali dwai se yaibao,” wai. “Tama gasa bidi mego te hanu genuai obo dabe ma nigibaso da, teda aga ogwa gomunai bidi te isaibao. Ma, te tomoba pabo genuai sunumi ma nigibo bidi, te bidigo sabi ogwa bidi te isaibao,” te po wai, Josuago.^k

²⁷Genuai Bidi te Josua dali bidibaso, tama te to dabe badu bidalubo tigidali bidi augwaligo agabolo genuai nogi mawai dao.

Akango dwai sege sali po

7 ¹Hasia sogo Genuai Bidigo te po wai, te Israel dabego te dolabo nai dabego te nai me deli munu me selamuo po wai. Tiali goli, te Israel dabego te po sela sawai, tama bidi me deli aga nogi Akan, te bidigo te nai meba sai. Tama tibaso, Genuai Bidigo sebe mu te Israel dabe dali eyu bidai. Akan te Karmigo ogwa, Karmi te Sapdigo ogwa, Sapdi te Serago ogwa, te Juda hani dabe dao.

²Josua te Jerikode bidiyu, tama bidi meba te bulu nogi Ai teba tagala palai, te hanu me deli te giliga pedalubo badu te Betel badu, te Betaven pađe elaluai. Agai augwalibolo te hanu susa biligi pao po wai. Tialima, te bidi dabe augwali pelama, tama tiwai igi pai.

³Nosali augwali ma asu, Josuabolo te tiwai po wai, “Nago te tigidali bidi pomainu mu elamuo. Te bidi sese sigo te umabo bidi hauwa mu

^j 6:25 Hib 11:31 ^k 6:26 1 Kin 16:34

2,000, ma te bidi sese sela wabogo te umabo hauwa 3,000 bidi naga pelama, te Ai hanuba hwīgi pomainu tagala palao. Nago te tigidali bidi mu tagala palama, te hwīgi pomainogo me elamuo. Te genuai hanu menio,” te po wai. ⁴Tialima, te Israel ami bidi dabe te bidi sese umabo 3,000 bidi mu pali. Tiali goli, te Ai hanu bidi dabego augwali edaba ma pobeasa asai. ⁵Augwaligo te Israel dabe te hanu tomoba pabo te genuai sunumidu pobeasa pelama, te masigi pepedebo buluba usu nigi pai. Tama augwaligo te bulu duba aiya dulubo te sunumide te bidi te 36 tama bidi usu nama elai. Tama te Israel dabe augwali wi mu elama, tama bomo elama me dolalubeo.

⁶Josua te homu seḡe mu elama, tama aga gudali ugwa piṣawai. Tama aga te Genuai Bidigo bomai ḡu wali po halobage munalubo paḡa te aga gesabidi te tḡba degasa dulama, munaluai. Tama te Israel dabe tonalubo bidi dabe augwali me te Josua dali tḡba degasa dulama, tama augwali tede bididubadi, te giliga aiyaba dega sigi pai. Augwaligo homu seḡe ebo te sa muyu, te augwa tobolude te tḡ hogomu muanio. ⁷Tama nosali Josuago te po wai, “O God, Genuai Bidio! Magi elama, nago da te Jordan we e badu odasa asaliwe? Nago da te Amor dabego nogoba menama, da dolomainogo yai dawe? Magi baso da te we Jordan u badu bidimainu yai meniwe? ⁸O Genuai Bidio, te Israel dabego te boi bidi dabe augwali tudiba ilama, tama augwali wi eyu, ma geasa asalio. Te eno magi po wagawe? ⁹Te Kenan bidi dabego, me te e tḡde bidalubo gasa tigidali we bidi dabego te se yali po odaibao. Tama tiyu, augwaligo da bobegelama, tama da tigidali elaibao! Tama naga nogi ugwaba sabo se te nago megī magi elama yaibawe?” Josuago te po wai.

¹⁰Tialima, Genuai Bidigo Josuabolo te po wai, “Hodalualo! Magi elama nage te tiwai tḡde pila mubawe? ¹¹Te Israel dabe augwaligo dwai se yalio! Hasia eno augwalibolo habu seliyu, te Jeriko hanude elalubo nai dabe me sigio po wai, tiali goli augwaligo eno po sela saḡwanio. Tama eno augwalibolo te dolao po wali nai dabe meba te augwaligo salio. Augwaligo te nai dabe wi selama, tama augwaligo tibo se elama, tama augwaligo te nai dabe te augwa nai dabe tomoba geme dualalio. ¹²Tama tialigo te Israel augwali bomo elama dolalu, te boi bidi dabe dali hwīḡabo te usu ebeo. Megi da, augwali te boi bidi dabe dali hwīḡo wi soai, magi baso meni, te augwali dolomainao! Te dagebolo eno habu selali nai dabe te dagego dolisiḡbaso da, teda ena munu me dage dali bidimainogo egoḡeo,” Genuai Bidigo wali.

¹³“Tialima, hodalualo! Nage pelama, te we bidi dwagi yai ilama, tama augwali ena gesabidiba do asomainu sisi wiegi yai iligi pao. Magi baso meni, ena dagego God te eno po te elalubao, ‘Dage Israel dabe, dagego eno dagebolo te habu selali nai dabe meba salio. Dagego te nai dabe sela saḡsiḡbaso da, teda dagego te boi bidi dabe aiyaba me elalugobeo.

¹⁴Tialima, te kigamu digi te dagego hani tigidali deli deli te ena bidibo madi sabolao. Te nai wi sali bidi hani haninimainogo tama tia. Tama te hani me deli eno sa mubaso da, teda aga te hani bage tigidali deli deli bidi te ena bidiboba pedelao. Tama mena hani bage te eno nogo tų ilibaso da, teda aga hani we wai hani tigidali deli deli te sabola silao. ¹⁵Tama mena bidigo eno te habu selali nai dabe saibaso da, teda dagego te bidi dali, te aga we wai puluba dabe dali, augwali te isimainu siaba ulama, tama aga tigidali doado bage dali ulaibao. Te bidigo te dwai sę genuai yaligo, tama te Israel dabe augwali hale dwai mu ilai. Tama agai te we bidigo ena dali daų wali po togolama, bolalio,' te po augwalibolo pusao," Genuai Bidigo te po Josuabolo wai.

¹⁶Tialima, Josua te kigamu digi mu hodaluama, tama te Israel hani tigidali deli deli pedalumainu ilalio. Tama agai te Judago hanibolo hasia mu sa muanio. ¹⁷Agai te Judade te sibi bage tigidali te odasa asama, tama agai te Serago sibi sa muai. Tama Josuago te Serago hani sibi tigidali deli deli pedela silabo sę yalio. Tama agai te Sapdigo hani bage dolo sa muai. ¹⁸Tialima, Sapdigo te aga hani tigidalide te bidi deli deli wasilama, tama Josuago te bidi Akan nogo tų ilai. Akan te Karmigo ogwa, tama Karmi te Sapdigo ogwa, tama Sapdi te Serago ogwa, te aga Juda hani dao.

¹⁹Tama Josuago Akanbolo te po wai, "Ogwao, megi nage te Israel dabe dago Genuai Bidi God gedude dolugulama, tama nago te yali sę po dabe hanilama, hania pusao. Nago enade magi sę me deli munu me dualigio," wali.

²⁰Tialima, Akango te po wai, "Mu tamao, eno dwai sę te Genuai Bidi, da Israel dabego God, agai gedude yalio. Megi nagebolo eno te yali sę po pusubao. ²¹Te dago hwiųy, te Jeriko dabego nai dabe sali sogo, eno te nai dabe tomode te Babilon dabego sawi yai bobobage gudubo ugwa me deli suali, tama te silva sęęę me badu te 2 kilo usu badi, te gol me badu te sęęę deli usu elalubo eno suai. Eno te nai dabe pesa mu ebaso, tama augwali eno sai. Nago te eno ugwa be tomode munalubo gegelama, suagameo. Eno tigidali te tųba pubulama, tama silva te dologode mu munalubao," te bidi Akango te po wai.

²²Tama te po obaso, Josuago te bidi meba tagala palama, augwali udulama, te ugwa beba pai. Tama augwaligo te Akango po wali tiwai gilama te gegali, tama silva te gasa nai dologode mu munalubo suai. ²³Augwaligo te nai dabe selama, tama te Josua me te Israel bage tigidali bidiboba sela pai. Tama te Genuai Bidigo gedude augwaligo te tųba muai.

²⁴Tialima, Josua dali te Israel dabe tigidaligo te Akan dali, te silva dabe badi, te ugwa me, te gol dage me, tama aga te ogwa dabe me, te aga wegı dabe me sobadi, tama te kibu bulmakau dabe badi, te donki dabe badi, te sipsip dabe me, te aga doado bage tigidali me sai. Augwaligo te tigidali nai dabe te selama, Akor bulu odogoba dulai dao. ²⁵Tama

Josuago te po wai, “Magi elama nago te genuai seḡe daba sela asai dawe? Tama megi da, te Genuai Bidigo nagebolo me te seḡe mubao!”

Te po ola silama, nosali te tigidali pali we bidigo te Akan aga we wai puluba dali tigidali te masigigo ela silama, tama augwali dali te augwa doado bage dali augwali tigidali te siago dai dao. ²⁶Tama augwaligo te masigi dabe hauwa te Akan aga we wai puluba dali augwali tigiba te masigi pesage holai. Tama te masigi pesage holali te e po aṣebo sogo me elalubao. Tama augwaligo te bulu nogi Akor poali, te seḡe pedelai bulu odogo dao. Augwaligo tama tialigo, tama Genuai Bidigo homu kedau ilai dao.

Augwaligo te Ai hanu selama, dolali po

8 ¹Tialima, Genuai Bidigo Josuabolo te po wai, “Te wi ebo tagalama, tama habu bulu pabo me tagalao! Te ami bidi tigidali nage dali pelama, te Ai dabe dali hwīgi pao. Eno nage tau selama, tama nago te Ai dabego tuni bidi te aiyaba elaluaibao. Tama agai bidi dabe badi, te hanu me, tama agai tḡ me, te eno nago nogoba mawaibao. ²Nago te Ai hanude bidibo we bidi me, te augwa tuni bidi me, te mu silao, te nago Jeriko moni hanude te aga tuni bidi dabe dali silali tiwai gilama ilao. Tiali goli, te sogo dagego te tigidali bulmakau me, tama te bulude elalubo nai dabe tigidali sgameo. Megi dagego te hanuba hwīgi painu sisi elalua. Hasia sogo bolo nago te ami bidi dabe meba tagala palama, te hanu tudi badu geme duala sigi pomainogo tagala palao,” wali.

³Tialima, Josua dali te tigidali ami bidi dabe te Ai hanuba hwīgi painu sisi yai. Agai te hwįabo bomai bidi naga dagalama, tama te bidi sese umabo hauwa 30,000 bidi sa munama, tama augwali te hulide tagala palai. ⁴Tama agai te po augwalibolo wai, “Dage pelama, te hanu pade tudi badu geme duala sigi pao, te nḡ mumainogo tama yao. Tama dagego te hwįabo sisi elalua. ⁵Tiali goli, ena dali, te eno ami bidi dabe dali, da te hanu dolo asaibao. Tama te Ai hanu bidi dabego te da dali hwįainogo buluba asobaso da, teda dago te hasia sogo yali tiwai gilama te da wi soaibao. ⁶Teda augwaligo da pobeasa asomainu sula tagaliyu, te dago augwali te hanu tagalama, digibulu kegasa soabo usu tiwai yaibao. Augwaligo homugo da te polobadu augwalide wi soali tiwai gilama ebo, te homu yaibao. ⁷Dagego te tiwai ebo subaso da, teda dage te dualaluali pesage tagalama, tama te hanu tomoba pedela sigi pao. God, dago Genuai Bidigo, te hanu dagego nogoba mawaibao. ⁸Dagego te hanu tomoba pedela sigi pabo sogo, dagego te Genuai Bidigo po wali tiwai gilama, te hanu siago ulao. Te eno po da, tama dagego bugagia wali piḡ,” wali.

⁹Tialima, Josuago augwali tagala palobaso, tama augwali pelama, te sia ge dega sigi pabo bulu me deli badu geme duala sigi pali, te Ai hanu

de te Betel, te bulu si tomoba duala sigi pelama, tama te nq muai. Tama augwali tonalu bidali. Tiali goli, Josua te bidibo pesagede te sogo hulide tede bididuai.

¹⁰Tialima, te kigamu digi mu te Josua hodaluama, tama te ami bidi dabe deliba sisinagasomainogo i wai. Nosali, aga dali, te Israel dabe genuai bidi dabe dali, augwali polasa peyu, tama te ami te Ai hanuba odasa pai dao. ¹¹Te Josua dali pali ami bidi dabe augwali te paba pelama gana, te hanu tomoba pabo genuai sunumi te me badu sesege bogo badu pelama, tama augwali osogo bidabo pesage nigai. Tama te bulu odogo me deli te augwali de te Ai dabe dali te tomode elaluai. ¹²Tama Josuago te bidi sese hauwa umabo 5,000 bidi tiwai usu pade ami bidi dabe selama, tama augwali te sia dega sigi pabo badu, te hanu Ai de Betel tomo agebele si tomoba pelama, geme duala sigi pomainu tagala palai dao, te do tama yai dao. ¹³Te ami bidi dabego te tama tialio, te genuai ami hanigo bidabo pesage te hanu sese bogo badu pade nigai. Tama te gasa ami bidi dabe meba te sia ge dulubo badu te nq muyu bidali. Tama Josua te hulide te bulu odogode bidalio.

¹⁴Te Ai hanu tuni bidigo te Josuago ami bidi dabe bidibo suali sogo, kigamu digi mu aga te aga bidi dabe tigidali dali asesa polo te Jordan odogo buluba dulama, te Israel dabe dali hwainogo yali. Te bulu odogode te augwali polobadu hwai madi. Tiali goli, te Ai gavman tuni bidigo te nq muani hwibo bidi tudi badu asabo te agai munu me konebeo. ¹⁵Josua me, te aga ami bidi dabe dali, te augwali tibo digi te augwali te kemi tq buluba wi soai. ¹⁶Tuni bidigo te tama tebo subaso, tama agai te hanude bidibo tigidali bidi dabe i olama, te Israel dabe augwali nq bagulagasao wai. Tama augwaligo te Josua pobeasa soabo se eyu, tama augwaligo te hanu taga soyu, digibulu mu soalio. ¹⁷Megi da, te Ai hanu dali Betel hanu si ami bidi dabe tigidaligo te Israel dabe pobeasa pelama silai. Tama te hanu tomoba pabo genuai sunumi te olo dalaluali, tama te tonalubo bidi me meni yanio.

¹⁸Tialima, Genuai Bidigo Josuabolo te po wai, “Te nago sesemone ene ugwaba selama, tama te Ai hanu usu sao. Megi eno te hanu nage nogoba mawaibao,” wali. Tama Josuago te Genuai Bidigo wali po tiwai gilama yai. ¹⁹Agai te sesemone ene ugwaba sobaso, tama polo mu, te ami bidi dabe geme dualaluali augwali hogodaluama, tama augwali udada peyu, te hanu tomoba pai. Augwaligo te hanu pedela sigi pelama, tama polo augwaligo te hanu siago ulalio.

²⁰Te Ai bidi dabego te hanuba tonono pobadi, augwaligo te hano ugwaba holobo suai. Augwaligo koneani, te augwali geme duala sabo pesage meni isiayu, te dolabo sego augwali me edeligobeo. Magi baso meni, te Israel dabego augwali tibo po olama, tama te masigi tq buluba wi pali, meg da te augwali ma begelama, tama augwali dali hwai.

²¹ Josua dali te ami bidi dabe augwaligo suali, te augwa age dabego te hanu selama, tama te siago ulubo suai. Tama tibaso, augwali ma gelama, begasama asiyu, tama te Ai bidi dabe ela mubo se yai dao. ²² Tama te hanu tomoba pali te Israel dabe te buluba ma aselama, tama te Israel hani si augwaligo te Ai bidi bagua selama, tama te tigidali augwaligo ela muai. Te me deli wi me pabe, te me deli me bidibeo. ²³ Te Ai hanu tuni bidi deli digi agaduba naga bidai. Tama Israel dabego aga pageabi elama, tama Josua bidibo madi odasa pai.

²⁴ Te Israel dabe augwaligo te augwa boi bidi dabe tigidali te augwali pobeasa asali, te kemi tq bulude ela silai. Nosali augwali te Ai hanuba ma pelama, tama augwaligo te hanu tomode bidali we bidi tigidali ela muai. ²⁵ Te sogode te Ai hanude bidali tigidali we bidi ela silali, te augwali elali namba te bidi sese umabo mu, te 12,000 dao. ²⁶ Josua agai sesemone ene te Ai hanuba ponama tolaluali usu nama, tigidali te badu bidali we bidi tigidali isai. ²⁷ Te Israel dabe augwaligo te bulmakau dabe, me te hanude elaluali doado bage dabe sali, te Genuai Bidigo Josuabolo wali po gilama tama tiai dao.

²⁸ Josuago te Ai hanu siago ulama mu dolali, te megì tama e po asebo sogome me te tiwai dwai elalubao. ²⁹ Tama Josuago te Ai tuni bidi te ni me delide walama, tama aga elalubadi te be pio igi pai. Tama pio Josuago po olama, tama te bidi dabego te tigi aiyaba sela dulama, tama augwaligo te hanu tomoba pabo genuai sunumiba sawai. Tama augwaligo masigi hauwa aga tigi daiba ugwadu pesage holai. Te masigi pesage holali te e po asebo sogome elalubo dao.

Josuago te Mosesgo bomai po te Ebal bulu dude nedali

³⁰ Te silama, nosali Josuago te Israel dabego Genuai Bidi Godigo alta me deli te Ebal bulu du bagede nigai. ³¹ Tama tiyu, agai te Genuai Bidigo se bidi Mosesgo te Israel dabebolo wali po dolo tigidali wali palio. Mosesgo bomai pode te po wai, “Dagego te alta me deli te masigigo nigao, tiali goli dagego te masigi dabe te ain dage me deligo munu me togolamuo,” wali. Te alta daide te Israel dabego te siaba tigidali ulama dabo te ofa ilali, te siago dali keli naga elaluai. Tama augwaligo te Genuai Bidi dali deli homu ebo ofa yalio.^l ³² Te Israel dabe augwaligo tononaluyu dolalubadi, tama Josuago te Mosesgo bomai po te alta nigali masigide aseai.^m ³³ Te tigidali Israel dabe dali te augwa genuai bidi dabe me, te ami dabego ofisa bage me, tama te po tq dodolobo jas dabe me, te augwali dali bidibo gasa bulu bidi dabe dali, tigidali te Genuai Bidigo po daq wali halobage munalubo tomoba ilama, si dali si badu dolaluai. Te Livai hani pris dabego te bomai po munalubo halobage toloboba augwaligo tononaluai. Me deli badu te we bidi augwali

^l 8:31 Sai 20:25 ^m 8:32 Bom 27:2-8

te bulu du Gerisim te badu dolaluyu, tama te we bidi meba augwali gasa bulu du Ebal te badu dolaluyu yai. Moses, Genuai Bidigo sę bidigo, polobadu te bidi dabe augwalibolo weyu, te Genuai Bidigo augwali dali dwagi yai sę emainao po maiabo sogo te tiwai lain si wasiāo po wai dao.

³⁴Augwali tama dolalubadi, tama Josuago te Mosesgo te bomai po elaluali bukude asęani po tigidali nedali, agai te Godigo augwalibolo te dwagi yai sę yabo po me, tama te Godigo augwali dolabo po me nedai.

³⁵Megi da, Josuago te Mosesgo asęani bomai po tigidali mu nedama, tama tigidali Israel we bidigo odai. Te we dabe sibi me, te wai puluba me, te gasa buludu aselama augwali dali bidibo we bidi, augwaligo me te nedali po odai.ⁿ

Josua dali te Gibeon bidi dabe dali side po wali

9 ¹Te Jordan wę sia ge dega sabo badu bidalubo tuni bidi dabe badi, te bulu dude bidalubo tuni bidi dabe badi, te malu bulu dolo bidibo tuni bidi dabego me, tama te nabis aḡ sani Mediterenian te badu te Lebanon teba usu nigi pelama bidalubo, te tuni bidi dabe augwali tigidaligo te Israel dabego ebo sę dabe po odada pai. Te Hit tuni bidi dabego badi, te Amor dabe badi, te Kenan dabe badi, te Peres dabego me, te Hivi, me Jebus, te tama tōde bidalubo tuni bidi dabego te po odai. ²Augwaligo te sę ebo po odama, tama augwali sisinama, te Josua dali me te Israel dabe dali hwįainogo yai.

³Tama te Gibeon bulu bidi dabego me te Josuago te Jeriko de Ai hanu side yali sę po odama, ⁴tama augwaligo aga gagamu selainu usu sabo po miani. Tama augwaligo te tibo nai dabe selama, te badi waba buluyu, te poloba badi meme waligo nigai botol pepeda pai selama, tama augwaligo ma hobolai. Tama augwaligo te nai dabe te augwa donki daiba ugwadu muai dao. ⁵Tama augwaligo poloba badi ugwa gudubadi, te poloba badi saḡa nadoba mubadi yai, tama te wa pai bret dwai mu yai selasa palio. ⁶Tama nosali augwali te Josua bidibo pesage te Gilgal teba sabolama, tama augwaligo agabolo me te Israel bidi dabebolo te tiwai po wai, “Da te digibulu asalio. Te dago dage dali bomai po daḡ walama, te da bugagia bidiyu, te me hwįgobeo, menio,” wali.

⁷Tiali goli, te Israel dabego te Gibeondu asali Hivi dabebolo te po wai, “Magi baso dago te po me deli dage dali bomai po daḡ omainogowe? Te dage paḡe naga bidibo homu ebao,” wali.^o

⁸Tiali goli, te Hivi dabego Josuabolo te po wai, “Dago te dagego sę bidi dabego sę ebo tiwai gilama sę yaibao.”

Tialima, Josuago augwalibolo hanalu wali, “Dage mena hani dawę? Tama dage menadu asaliwe?”

ⁿ 8:35 Bom 11:29; 27:11-14 ^o 9:7 Sai 23:32; 34:12; Bom 7:2

⁹Tialima, augwaligo agabolo te tiwai po wai, “Da te digibulu bulu me delidu asali, magi baso meni, dago te dagego Genuai Bidi Godigo genuai nogi elalubo po odalio. Dago te tigidali se agai te Isip tode yali odai dao. ¹⁰Dago agai te Amor dabego tuni bidi si dali, te we Jordan te sia ge pedalubo badu yali se po dabe odai. Augwali si da te Sihon, te Hesbon bulu tuni bidi, me Ok, te Basan tuni bidi dao. Aga te Astarot tede bidai dao. ¹¹Tama dena genuai bidi dabego, me te dago tode bidalubo tigidali we bidigo dabolo te tiwai po wai, “Te dage bilabo me deli te nai meba sisi ilao. Tama dage pelama, te Israel we bidi dabe sisinigi pelama, te po wagi pao, “Da te dagego se ebo bidi dabe dao. Te dagego da dali te bugagia bidabo bomai po me deli daŋ wao.” Te po Israel dabebolo pusigi pao, dena hani begego dabolo te po wali. ¹²Te dago tubo nai bret suo. Te dago bidibo bulu taga soyu soali sogo, te bret tamadi tama ulama posolo elaluali. Tiali goli, suo! Te bret dabe te wa pelama, tama dwalio. ¹³Te e meme tigiwali botol dabe te gesi elalubadi, te sogo dago te wain aŋ buai. Tiali goli, megi da, suo! Augwali te pepeda pai. Tama dago gudali ugwa dabe me, te saŋa nadoba me, te bobobage sunumidu asidubadi dolai dao,” te po wai.

¹⁴Tama te Israel bidi dabe augwaligo te Hivi dabego elalubo nai dabe suali. Tiali goli, hasia bolo te Genuai Bidi God aga homuba augwaligo me hanalubeo. ¹⁵Tialima, Josuago augwali nogo menama, tama te Israel dabego augwali munu me eligobeo po olama, te bomai po augwali dali daŋ wai. Tama te Israel dabe genuai bidi dabego me te bomai po augwali dali daŋ walio.

¹⁶Augwaligo te bomai po daŋ ola sai madi, tama nosali sela sogo bidai digi, te Israel dabego te po wali page gegali, te bidi dabe augwali te digibulu bidi meni, te bulu paŋde bidi naga asai yalio. ¹⁷Tama tibaso, megi da, te Israel dabe augwali hogodama, te gasa badu poloba palio. Augwali pelama, te sela sogo daŋ igi pabode, tama augwali te hani dabego hanuba sabolai. Te hanu dabe nogi e dao: Gibeon, Kefira, me Berot, me Kiriath Jearim. Te e tama hanuba augwali sabolai. ¹⁸Tiali goli, te Israel dabego augwali me elibeo, magi baso meni, te Israel augwa genuai bidi dabego te bomai po te we bidi augwali dali te augwa Genuai Bidi Godigo nogide te po te we bidi dabe dali daŋ wai. Tama tiyu, te Israel dabego te augwa genuai bidi dabe augwalibolo te tama tiali pode te wado po naga augwalibolo wai dao. ¹⁹Tiali goli, te Israel dabe augwa genuai bidi dabego po wei ponoyu, te po wai, “Dago te we bidi dabe augwali dali te dago Genuai Bidi God dali te bomai po daŋ walio. Dago megi augwali me dologobeo! ²⁰Dago augwali magi baso sula tagaliyu meni, te dago bomai po daŋ walalio. Te dago augwali elibaso da, teda Godigo da dolaibao. ²¹Te augwali bidimainu sula tagaliyu, tiali goli augwaligo te dago isi me we dabe sela mabo se emainao.” Te genuai bidi dabego te tiwai po naga walai. Te po obaso, te Israel dabego te Gibeon bage elebeo.

²²Tialima, Josuago te Gibeon dabe i olama asobode, tama augwalibolo agai te po wai, “Magi baso dagego da tibo po ola maniwe? Dagego te dage digibulu me delidu asalio po wali. Tiali goli, dage pađe naga bidibao! ²³Dagego tibo po waligo da, teda dagebolo Godigo dwai se ılaibao. Tama tibaso, sesemane sogo dage te eno Godigo lotu beba te isi me we me sela mabo se bidi bidagameo,” wali.

²⁴Tama te Gibeon dabego te po wai, “Dago e tiwai po odali, te dagego God, Genuai Bidigo, te aga se bidi Mosesbolo weyu, te to tigidali dagebolo mawaibao po wai, tama dage sabalubo sogo da, teda dagego tede bidibo we bidi tigidali ela siliyo po walio. Tama tibaso, da dwai wi mu dagede ebaso, tama dago te usu sabo po wai dao. ²⁵Tiali goli, megı da te nago nogode bidibao. Mena se nago homude te dwagi yai dolo da homu ebaso, te se nago dabolo yagameo,” wali.

²⁶Tialima, Josuago te Gibeon dabe tau selama, te Israel dabego augwali me ela mubeo. ²⁷Tialima, Josuago augwali te Israel dabego isi me we me sigı pabo se yabo bidi nigilai. Tama me augwaligo te Genuai Bidigo lotu bede muabo altade me te isi me we me sesabo bidi dabe nigilai. Tama Gibeon dabego te tigidali te Genuai Bidigo lotu po wabo pesage nigabo madi te tigidali bulude te se ela bilai dao. Tama te se eyu, tama megı e po asebo sogoba usu nigı pai dao.

Amor dabe augwali te hwıani seđe aiyaba elaluai

10 ¹Te Adoni Sedek, te Jerusalem tuni bidigo, te Josuago te Ai hanu pedela selama, tama tigidali bidi dolama, tama Ai hanu tuni bidi ela mubadi yai, te agai te Jeriko hanude te aga tuni bidi dali yali se tiwai gilama yali po odai. Tama agai odali, te Gibeon dabego te Israel dabe dali abagi si olama, nogo menama, tama augwali dali deli madi bidibo po odalio. ²Tibaso, aga de te Jerusalem hanude bidali we bidi dabe dali, augwali si wi dwai mu yai, magı baso meni, te Gibeon hanu te genuai hanu elaluali, te gasa genuai tuni bidi elalubo hanu gagawai elaluai. Te genuai hanu digı mu te Ai hanu te aiyaba elaluai elaluali, tama tigidali bidi te hwıbo bomai bidi naga bidai. Tama tibaso, te Jerusalem bidi dabe te augwalide wi umabo mu yalio. ³Tialima, Adoni Sedek tuni bidigo po te Hebron tuni bidi Hohambolo po tolobadi, tama Piram te Jarmut hanu tuni bidibolo me, tama Jafia te Lakis hanu tuni bidibolo me, tama Debir te Eklon hanu tuni bidi dali, te augwalibolo po ola tolalio. ⁴Agai te tiwai po wai, “Dagego te eno Gibeon hanu bidi dabe dali hwıbo te dage aselama, tau sagasao, magı baso meni, augwaligo te Josua de te Israel dabe dali sibolo te abagi olama, deliba bidainogo nogo mawai dao,” te po ola tolali.

⁵Te e tama a naga te moni hanu Amor tuni bidi dabe, augwali te Jerusalem hanu tuni bidi, me te Hebron, me Jarmut, me Lakis, me Eklon,

te e tama a naga hanu dao. Tama te tuni bidi dabego te augwa ami bidi dabe sisinama, tama augwaligo te Gibeon hanu bobogela sigi pelama, tama augwaligo augwali dali hwjagasai.

⁶Tama tibaso, te Gibeon hanu bidi dabe augwaligo Josua bidibo pesage te Gilgal teba po ola tolai. Augwaligo te po wai, “Te bulu dude bidalubo moni hanu Amor tuni bidi dabe tigidali te augwali deliba sisinama tama augwaligo da dali hwjainogo sabolai dao. Nago te naga se bidi da munu mu tagalamuo! Nage polo asama, da tau sagasao!” wai.

⁷Josuago te po odama, tama aga ami bidi tigidali dali hogodama, tama te bidali pesage Gilgal te tagalama, tama pelama, augwali tau sigi pai dao. Agai te hwjibo bomai bidi dabe me aga dali pali. ⁸Tialima, Genuai Bidigo Josuabolo te po wai, “Te boi bidi augwalide wi me igio. Eno augwali te nago nogoba manio. Te bidi me deligo dage aiyaba me elalugobeo,” wali.

⁹Tama Josua te aga ami bidi dabe dali augwali hulide pelama, tama te Amor dabe bidalubo madi pedelai. Te Amor dabe augwaligo te hwjibo sisi isiqbadi, tiali goli polo tama, te Israel dabe augwaligo te hwjibo gagalalio. ¹⁰Te Amor dabego te Israel ami bidi dabe asobo sulama, tama Genuai Bidigo augwali wi ilama, tama augwali homu kolesaga umuna palai. Tama te Israel dabe augwaligo te Amor dabe augwali te Gibeon hanude dolobo se ilama, tama augwaligo augwali pobeasa duluyu, te bulu du bagua sali te Bethoron teba dulai. Augwaligo te Amor dabe dolobo se ela pidubadi, te Aseka te bogo badu usu nama, te Makeda teba daji iligi pai. ¹¹Tama te Amor dabe te Israel ami bidi dabede wi pabo se elayu, tama augwali te Bethoron te bulu baguba me te Aseka teba wi aiyaba palio. Tialima, Genuai Bidigo te moni kedau ilibo talua ge kulubage te masigi tiwai tulumainu ilama, tama te Amor dabe ela muna silai. Te masigi du tiwai talua ge tulubagego ela muani bidi dabego nambago te Israel bidi dabego ela muani bidi te namba aiyaba elaluai dao.

¹²Tama te sogo te Genuai Bidigo te Israel dabe tau selama, tama augwaligo te Amor dabe aiyaba elaluai. Tama Josuago Genuai Bidi dali po miai. Tama te Israel dabe augwaligo gedude agai te po wai, “Giliga, nage te Gibeon hanu ugwadu dolalua. Polua, nage te Aijalon bulu odogo ugwadu dolalua.”

Te po wai dao. ¹³Tama te po obaso, te giliga ge dolalubadi, tama polua aiyaba me dulisqbadi, te Israel dabego te boi bidi dabe aiyaba elalubo siba usu nai. Giliga ge te polo me dega sigi pabeo. Aga te dagalude dolaludubadi, te deli sogo bubuga te tiwai usu nai. Tama augwaligo te se yali po te Doloba Pai Bidi Dabede Po Wabo Bukude aseai dao.^p ¹⁴Te

polobadu sogo tede gagalasa, asama, tama megì e po ašebo sogoba usu nagasobo, te tiwai se me deli te me ebeo. Genuai Bidigo te bidi me deligo po odama, tama te Israel dabego hwìbode te agai augwali tau sai dao!

¹⁵Nosali Josua te ami bidi dabe dali augwali te augwa bidali pesage te Gilgalba ma palio. ¹⁶Tiali goli, te a naga tuni bidi dabe wi pelama, tama te bulu Makeda tede te masigi ola bede geme dualaludai. ¹⁷Tama bidi mebago augwali dualalubo sulama, tama augwaligo Josuabolo te augwali dualalubo pesage te po wai. ¹⁸Tialima, Josuago te po wai, “Te genuai masigi meba hogogobebe pelama, tama te ola be dalalubo te paliama, tama te tonaluabo ami bidi meba teba munama te tonalua,” wai. ¹⁹“Tiali goli, duga digi tede olo me bidilamuo. Dage te gasa boi bidi dabe wali pelama, tama augwali tudi badu te nosali asali bidi dabe dalibolo hwìgi pao. Dagego augwali te augwa hanuba sabalomainogo sula tagalamuo! Magi baso meni, God, dago Genuai Bidigo, te dagego hwìbo bomo usu elama, te boi bidi dabe aiyaba elaluaibao po wai dao,” wali.

²⁰Tialima, Josuago me te Israel dabe augwaligo dali te boi bidi dabe tigidali pade ela silainu yai. Tiali goli, meba wi peyu, te augwa hanu tomoba geme duala sigi palio, te hanu te genuai bomai obo elaluali. ²¹Nosali Josuago ami bidi dabe tigidali augwali te Makedaba ma geasa asai. Te me dedeli me dolobeo. Tama tibaso, mena bidi me deligo te dwai posobo po te Israel dabebolo me wainogo ebo usu me isiawai dao.

²²Nosali Josuago po ma wali, “Te masigi ola be paliali po dala sanama, tama te a naga tuni bidi te ena bidiboba odasa asao,” te po wai. ²³Tialima, augwaligo tama tiwai yalio. Te bidi dabe augwaligo te Jerusalem hanu tuni bidi, me te Hebron, me Jarmut, me Lakis, me Eklon, te tama a naga hanu tuni bidi dabe te Josua bidiboba odasa palio. ²⁴Augwaligo te augwali te Josua bidiboba odasa aselawai madi, tama agai te Israel dabe tigidali i wali, tama agai te aga dali pali te ami bidi dabego ofisa bidi dabebolo te po wai, “Dage eba aselama, tama dagego saḡa te tuni bidi dabego mageba agayao,” wali. Tialima, augwaligo tama tialio.

²⁵Nosali Josuago te ofisa bidi dabe augwalibolo te po wai, “Dage wi eyu, tama didibili munu me elamuo, bomonama dolalua, te dagego nosali augwali dali hwìjabo boi bidi dabebolo te Genuai Bidigo te tiwai naga ilaibao,” wali. ²⁶Nosali Josuago te tuni bidi dabe elama, tama augwali te ni pedai a nagade walalio. Augwali te nide walalubadi, te sia ge aiyaba dulai dao. ²⁷Tama be pio mu ebode, Josuago te bidi dabebolo olama, tama augwaligo te tigi dabe aiyaba sela dulama, tama augwa te dualaluali ola be tomoba sawai. Tama te ola be augwaligo te moni genuai masigigo paliai. Tama te masigi dabe e po ašebo sogode me elalubo dao.

²⁸Te sogo naga Josuago te Makeda hanu pedela sigi pelama, tama te hanude bidali tuni bidi pageabi yai. Tama agai te hanude bidali we bidi

tigidali ela silai. Te deli me bidibeo. Agai te deli tobage tiwai kolesaga naga te Makeda tuni bidi dali yai, agai te Jeriko hanu tuni bidide yali se tiwai gilama naga yalio.

²⁹Te silama nosali, Josua aga ami bidi dabe dali augwaligo te Makeda hanu tagalama, te Lipna hanuba pelama, tama augwaligo te hanude bidibo bidi dabe augwali dali hwigi palio. ³⁰Tama Genuai Bidigo te Israel dabe augwali tau selama, tama augwaligo te boi bidi dabe augwali aiyaba elaluama, tama te hanu selama, te hanude bidali tuni bidi me pageabi yai. Tama Josuago te hanude bidali bidi tigidali ela silama, tama deli digi me bidibeo. Agai te tuni bidibolo te Jeriko tuni bidibolo yali kolesaga tiwai naga yai dao.

³¹Te silama nosali, Josua aga ami dabe dali augwaligo te Lipna hanu tagalama, tama te Lakis hanuba pali. Augwaligo te hanu bobegelama, tama augwaligo te Lakis hanu bidi dabe dali hwianio. ³²Genuai Bidigo te Israel dabe augwali tau selama, tama te si sogo wabode augwaligo te boi bidi dabe aiyaba elaluali. Tama Josuago me deli sula me tagalobeo. Agai tigidali bidi ela muai, agai te Lipna hanude yali tiwai gilama yalio. ³³Te Horam, te Geser hanu tuni bidi, aga aselama, te Lakis hanu bidi dabe tau sagasai. Tiali goli, Josuago aga me, te aga hani bidi dabe dali, te hwianigo augwali aiyaba elaluai. Tama Josuago augwali me deli bidimainu me gogola tagalobeo.

³⁴Te silama nosali, Josua aga ami bidi dabe dali augwaligo te hanu Lakis tagalama, tama te hanu me nogi Eklonba pai. Augwaligo te hanu bagulama, tama augwaligo te Eklon dabe augwali dali hwianio. ³⁵Augwaligo te hanu te deli sogo bubugade naga salio. Tama Josuago te hanude bidali bidi tigidali ela muani, te agai Lakis hanude yali tiwai gilama yai.

³⁶Te silama nosali, Josua aga ami bidi dabe dali augwaligo te Eklon hanu tagalama, tama te Hebron hanuba pai. Tama augwaligo te Hebron hanude bidali bidi dabe dali hwinama, ³⁷tama te hanu sai. Tama augwaligo te tuni bidi eleyu, tama te Hebronde bidali we bidi dali tigidali elebadi, te gasa dwasianu hanu pade bidaluali bidi dabe dali tigidali elalio. Tama Josuago te Hebron hanu tigidali mu dolali, te agai Eklon hanude yali tiwai gilama yai. Tama te hanu bidi me deli me bidai menio.

³⁸Nosali Josua aga ami bidi dabe dali augwali begelama, tama te Debirba pelama, tama augwaligo te Debir dabe dali hwigi pai. ³⁹Augwaligo te hanu dali, te tuni bidi me siyu, tama te gasa pade elalubo dwasianu hanu dabe me sai. Augwaligo tede bidali bidi dabe tigidali ela muai. Josuago te dedeli kolesaga tiwai naga te Debir hanude bidibo bidi dabebolo me te tuni bidi dali tiali, agai te Hebronde me te Lipna hanu side te augwa tuni bidi dabe dali yali kolesaga tiwai naga yai dao.

⁴⁰Tama elama, tama Josuago te tɔ tigidali badu te hwianigo aiyaba elaluai. Agai te bulu dude bidali tuni bidi dabe me, te Negev dabe badu

tuni bidi dabe me, te t̄q malude bidali tuni bidi dabe me, te bulu du p̄ade bidali tuni bidi dabe me, te agai augwali aiyaba elaluai. Agai bidi deli me sulama, gogola me tagalobeo. Agai tigidali ela muai. Agai te Israel dabego Genuai Bidi Godigo te agabolo wali po tiwai gilama yalio. ⁴¹Josuago te giliga bogo badu te Kades Barneade gagalasa, te Gasa te nabis p̄aba d̄aj elama bidali bage tigidali aiyaba elaluali, tama te Gosen t̄q elalubo badu tedu d̄aj elama, te Gibeon badu, te t̄q me bogo badu usu nigi pai dao. ⁴²God, te Israel dabego Genuai Bidigo, te augwali tau sobaso, tama augwaligo te tigidali t̄qde bidali tuni bidi dabe tigidali augwali aiyaba elaluama, tama augwaligo t̄q te hw̄janigo naga sai dao. ⁴³Nosali Josua aga ami bidi dabe dali augwali te augwa bidali pesage te Gilgal teba ma pai dao.

Jabin aga age dabe dali, augwali te hw̄igi pali digi hagawali po

11 ¹Te bidi dabe augwaligo te Josuago yali tigidali s̄e po sela bilali po te Hasor t̄q tuni bidi Jabinba sabolali. Tama agai te po te Jobapbolo ola tolali, te Madon hanuba, tama te Simron hanu tuni bidibolo me, te Aksap hanu tuni bidiba me, te po ola tolali. ²Tama te t̄q bogo badu te bulu du elalubo badu bidali tuni bidibolo me, tama te Jordan w̄e odogo malu t̄qde, te Kineret, te t̄q bogo badu bidali tuni bidibolo me, tama te dolo elalubo t̄qde bidali tuni bidibolo badi, tama te Dor hanude te āj sane p̄ade bidali tuni bidibolo badi, te tama hanu tuni bidi dabe augwalibolo te po ola tolalio. ³Tama agai te Jordan w̄e p̄ade bidaluali te Kenan dabebolo me po ola tolibaldi, tama te bulu du bagede bidaluali hani, augwalibolo me wai. Te augwali Amor dabe, me te Hit dabe, me te Peres dabe, me te Jebus dabe, te augwalibolo po tolai. Tama agai te Hivi dabe augwali te Hermon bulu du p̄ade, te Mispa dabego t̄qde bidalubo bage augwalibolo me te po ola tolai dao. ⁴Augwaligo te po odama, tama augwali te augwa ami bidi dabe tigidali augwali dali asai. Tama augwali te bidi hauwa umabo mu elaluali, augwaligo ami bidi dabe te nabis masigi sane usu tiwai. Tama augwaligo hw̄ibo nai hos me karis hauwa mu elaluai. ⁵Te tuni bidi dabego te augwa ami bidi dabe hauwa sisinama, tama augwali bidabo pesage te sigi āj Meromde nigilama, te Israel dabe augwali dali hw̄jainogo yali.

⁶Tialima, Genuai Bidigo Josuabolo te po wai, “Nage augwalide wi munu me elamuo. Do te tobage sogo ebode da, teda eno digi te Israel dabe augwali tau selama, tama augwaligo te boi bidi dabe tigidali ela muaibao. Tama dagego te hos dabe s̄aḡa genuai kigibili togolama, tama augwa te karis dabe dali siaba ulao,” wali.

⁷Tama te boi bidi dabego hw̄jabo sisi is̄abadi, tialima polo mu tama Josua dali, aga ami bidi dali, tigidaligo augwali dali te w̄e Meromde te hw̄jani. ⁸Tama Genuai Bidigo te Israel dabe augwali tau selama, tama

augwaligo te boi bidi dabe aiyaba elaluai. Te Israel dabe augwaligo hwiyu, tama te boi bidi dabe pobeasa peyu, te t̄o bogo badu te genuai bulu Saidon teba usu nama, te Misrefot Maim d̄aj̄ igi pelama, tama te giliga pedalubo badu, te odogo bulu Mispa, te badu saboligi pali. Augwaligo hw̄i hw̄i pali, te boi bidi dabe tigidali siliboba usu nai dao. ⁹Tama Josuago augwaligo hw̄ibo nai hos saḡa genuai kigibili togobadi, te augwaligo karis dabe me siaba ulubadi yali, te Genuai Bidigo agabolo wali gilama tama tiai.

¹⁰Te silama, nosali Josua ma begasa asiyu, tama te hanu Hasor selama, tama te hanude bidali tuni bidi ela muai. Te sogo te Hasor hanu te tigidali t̄oḡe elaluali hanu dabego te polaluali hanu elaluai. ¹¹Te Israel dabe augwaligo te Hasor hanude bidali bidi tigidali ela munama, tama deli me bidibeo. Tama augwaligo te hanu siago ulai dao.

¹²Josuago te tigidali tuni bidi pageabi elama, tama augwaligo hanu tigidali sai. Tama agai te bidi tigidali elibadi yali, te Genuai Bidigo s̄e yali bidi Mosesgo wali tiwai gilama yalio. ¹³Tiali goli, te Israel dabe augwaligo te bidi dabe augwaligo te dwasianu bulu dude nigali hanu te me siago ulubeo. Josuago te Hasor hanu naga siago ulai dao. ¹⁴Te Israel dabe augwaligo te hanude tigidali mone, me te tigidali bulmakau me selama, te augwa digi te augwa nai da olama, tolaluai. Tama augwaligo te bidi me deli sula tagalobeo. Te augwaligo tigidali ela silai dao. ¹⁵Hasia bolo Genuai Bidigo po te aga s̄e bidi Mosesbolo mawai. Tama Mosesgo te po dabe te Josuabolo menama, tama Josuago te po tigidali wali pai. Josuago tigidali s̄e yali, te Genuai Bidigo Godigo Mosesbolo wali po tiwai gilama tama tiai.

Josuago te t̄o pedai badu tigidali salio

¹⁶Josuago te t̄o tigidali pedai badu sai. Agai te bulu dude elaluali tigidali bulu me, te tigidali Negev hanu t̄o badu me, te tigidali Gosen bulu badu me, tama te dolo t̄o elaluali bulu me, te Jordan w̄e odogo bulu elaluali me, tama te malu t̄o bulu me, te nosali nogi yali te Israel dabego bulu du elaluali bulu me, te tigidali Josuago sela silai. ¹⁷⁻¹⁸Te t̄o d̄aj̄ te Halak bulu dude gagalali, te Seir p̄aḡe, tama pelama, te bulu Balgat te Lebanon odogode elalubo, teba d̄aj̄ igi pelama, te bulu du Hermon te t̄o bogo badu dao. Josuago te bobobage sogo mu te tuni bidi dabe dali hw̄inama, tama agai te tigidali bidi ela silai dao. ¹⁹Te hanu me deligo te Israel dabe augwali dali nogo menama, tama augwali dali me bidibeo. Gibeon te Hivi dabego page bulu, te bulu deligo te Israel dabe dali nogo mawai. Tigidali te gasa hanu dabe te hw̄inigo dolai dao. ²⁰Magi baso meni, Genuai Bidigo digi te hani dabe homu hodolubo s̄e ilama, te Israel hani dali hw̄imainogo ilali. Agai homugo te Israel dabego augwali te homu dene eyu, olo tau sabo homu kolesaga wiegi yai yabo homu munu

me egobeo. Menio. Te augwaligo tigidali ela silaibao. Augwaligo te Genuai Bidigo te Mosesbolo polobadu mani po wali palio.⁹

²¹Tama te sogo Josua pelama, tama te Anak bidi dabe mu dolai. Augwali te Hebron bulu du bagede me, te Debir bulude me, me te Anap bulude me, te tigidali gasa Juda me Israel dabego bulu du bagede bidaluali. Josuago te bidi dabe tigidali mu ela siyu, te augwaligo tigidali hanu me mu dolai. ²²Te Anak dabe me dedeli te Israelde me bidibeo. Te dwasianu hani naga te Gasade me, Gatde me, te Asdot, tede bidaluai. ²³Josuago te moni t̄q pedai tigidali badu sela silali, te Genuai Bidigo Mosesbolo wali gilama te tiwai yali. Tama Josuago te Israel dabe augwalibolo te moni t̄q te augwa page bulu tiwai ilama mawai. Tama te t̄q te tigidali Israel hani deli delibolo dobayali. Tama tilama, te we bidi augwaligo hw̄ibo s̄e ebo sogo silama, tama augwaligo hw̄ibode te toma tuyu bidali.

Te hw̄inama, Mosesgo aiyaba elaluali tuni bidi dabego nogi

12 ¹Te Moses isis̄abadi, te sogo te Israel dabe augwaligo te boi bidi dabe tigidali t̄qde aiyaba elaluama, tama augwaligo te tigidali bulu te Jordan w̄e p̄ade te sia ge pedalubo badu te bulu dabe sai. Te t̄q te malu bulu te Arnonde gagalasa, tama pelama, te Jordan t̄q malu d̄aj̄ igi pelama, tama te Hermon bulu duba usu nigi pai. Hasia bolo te Israel dabego hw̄inama, te tuni bidi si aiyaba elaluai. Te augwali si nogi e dao: Sihon, me Ok. ²Sihon te Amor dabego genuai tuni bidi, aga te Hesbonde bidai. Te agai tonaluali hanu te Aroer t̄qde gagalama, te odogo malu elalubo t̄q Arnon sesege d̄aj̄ igi pelama, tama te bulu badu d̄aj̄ elama, tama pelama, te w̄e Jabokba usu nani. Te w̄e Jabok te bulu Arnon dabe de te Amon dabe dali sigo d̄aj̄ elaluai. Te hanu te Gileat hanu pedai badu elaluai. ³Tama te Jordan w̄e t̄q dolo elalubodu te sia ge pedalubo badu sigi āj̄ t̄q Galili hanu badu d̄aj̄ gagalasa pelama, te Bet Jesimot te Isai Tamu Āj̄ d̄aj̄ igi pelama, tama palio olama, te Pisga bulu du pageba, te t̄q me bogo badu d̄aj̄ igi pai dao.

⁴Tama te Israel dabe augwaligo te Basan hanu genuai tuni bidi Ok dali boi hw̄inama, tama aga aiyaba elaluai. Aga te Refaimgo hani bidi. Polobadu te hani genuai elaluali, tama megi da te augwali dwasianu hani naga elalubo. Ok genuai tuni bidi te bulu Astarot, me Edrei, te bulu side bidai. ⁵Okgo te bulu du Hermon badu me, te Saleka, me te tigidali Basan badu pelama, te Gesur dabe badu, me Maka te sesegeba usu nigi pelama, tama te Gileat badu te tuni bidi Sihongo tolalubo badu sigi pelama, tonalubo d̄aj̄ yai.⁷ ⁶Moses dali te Israel dabe augwaligo te boi hw̄inama, te tuni bidi si aiyaba elaluai, polobadu. Tama Moses, te Genuai Bidigo s̄e

⁹ 11:20 Bom 7:16 ⁷ 12:5 Nam 21:21-35; Bom 2:26-3:11

bidigo, te augwa si t̄q te Rubengo hanibolo mobadi, te Gatgo hani me, te Manasego hani me badubolo mobadi yali.^s

Te tuni bidi dabe me te bulu dabe Josuago boi hw̄inama, aiyaba elaluali

⁷Josua dali, te Israel dabe dali, augwaligo te Jordan w̄e te sia ge dega sabo badu te tigidali genuai t̄qde bidali tuni bidi tigidali aiyaba elaluali, te Lebanon odogode elalubo bulu Balgat tede gagalasa, te Halak bulu du badu te Idom p̄ade, teba usu nigi pai. Tama Josuago te t̄q dobolama, tama te Israel hani sibibolo menama, tama megi te augwa page bulu mu gagalama bidibo dao. ⁸Te mani t̄q da, te bulu du dabe elalubo t̄q, te dwasianu bulu du dabe, me te Jordan malu bulu me, tama te Jordan āi p̄ade te dwasianu bulu du elalubo me, te olo kemi t̄q bulu elalubo madi me, te Negev bulu te d̄āi igi pai. Polobadu te Hit hani bage me, te Amor dabe me, te Kenan dabe me, te Peres dabe me, te Hivi dabe me, te Jebus dabe me, augwali tigidali te genuai t̄qde bidaluai dao.

⁹Te e nogi da te boi hw̄jani sogo te aiyaba elaluali tuni bidi dabego hanu nogi e dao: Jeriko, me Ai, te Betel bulu p̄ade elaluai, ¹⁰Jerusalem, Hebron, ¹¹Jarmut, Lakis, ¹²Eklon, Geser, ¹³Debir, Geder, ¹⁴Horma, Arat, ¹⁵Lipna, Adulam, ¹⁶Makeda, Betel, ¹⁷Tapua, Hefer, ¹⁸Afek, Lasaron, ¹⁹Madon, Hasor, ²⁰Simron Meron, Aksap, ²¹Tanak, Megido, ²²Kedes, Jokneam te moni t̄q pedai Karmelde elaluai, ²³Dor te nabis sese p̄ade elaluai, te Goim bulu te Gilgal t̄qde elaluali, ²⁴tama Tirsa meo. Te tiwai te tigidali tuni bidi te bidi sese olama, nogo si te me badu deli, te tama usu nama tigidali bidiyu, tama Josua dali, te Israel dabe dali si, augwaligo te tuni bidi dabe tigidali aiyaba elaluama, augwaligo t̄q sai dao.

Augwaligo te t̄q te Israel hani deli delibolo dobayali

(Dq̄i 13-22)

Te bulu dabe augwaligo sis̄abadio

13 ¹Megi da, Josua monu dabe mu yai. Tama Genuai Bidigo agabolo te po wai, “Nage monu dabe yalio. Tiali goli, te bulu hauwa te Israel dabego me sis̄abadi elalubao. ²Te elalubo bulu dabe te e dao: te tigidali Filistia dabego bulu me, te Gesur dabego bulu tigidali badi, ³te t̄q te dwasianu w̄e Sihor te Isip t̄q sesede elalubo, tedu gagalasa, te palio olama, te Eklon t̄q bogo baduba d̄āi igi pelama, hasia bolo te Kenan dabe bidaluai madi. Te Filistia dabe tonalubo bidi dabe te bulu Gasade me, te Asdot, me te Askelon, me Gat, me Eklon,

^s 12:6 Nam 32:33; Bom 3:12

me tama te Av dabego moni t̄o te giliga dega sabo bogo badu elalubao. ⁴Te tigidali Kenan, me Meara dabego tigidali elalubo t̄o, te Saidon dabego t̄ode augwali bidibao, te t̄o pali te Afekba usu nama, te Amor dabe bidibo sesegeba d̄aj̄ igi pai. ⁵Te Gebal bulu bidi hani dabego t̄o, te tigidali Lebanon tedu pelama, te sia ge pedalubo badu d̄aj̄ igi pali, te Balgat sesege te Hermon bulu du p̄ade, tedu te bulu du baguali madiba pelama, usu nigi pali, te bulu augwaligo Hamat nogi yai,” wali.

⁶“Tigidali Saidon bage, te augwali te Lebanon, me te Misrefot Maim te bulu du dabe elalubo tomo bulude bidalubo, tigidali te moni pedai hanu tomode bidibao. Te Israel dabe augwali asidubadi, tama eno digi te Saidon bage augwali gudulama, sela s̄awaibao. Tama tialima, nago te t̄o usu selama, tama te Israel dabe augwalibolo menama, te augwa t̄o mu gagalama bidaibao. Nago te s̄e eno nagebolo wabo po tiwai gilama yao.^t ⁷Tialima, megi da, te t̄o te Israel hani a naga me si me si dabebolo, me te Manasego hani me badubolo me, te t̄o dobolama, teda augwaligo te augwa t̄o mu tiwai selama, bidimainogo obao,” Genuai Bidigo te Josuabolo te po wai.

Te Ruben, me Gat, me Manase, te tamago t̄o dao

⁸Te Ruben hanigo, me Gat, me Manasego hani me badugo te Jordan w̄e te sia ge pedalubo badu te t̄o polobadu sai. Te Moses, Genuai Bidigo s̄e bidigo, te t̄o augwalibolo mawai dao.^u ⁹Te augwaligo sali t̄o te Arnon odogo t̄o sesege elalubo bulu nogi Aroer, tedu gagalama, tama te odogo tomode elalubo hanu ela soayu, tama te Medeba dabego dolo elalubo t̄odu pelama, te Dibon t̄oba usu nigi palio. ¹⁰Tama augwaligo te Sihongo hanu tigidali sali, te Amor dabe tuni bidigo hanu sai. Polobadu te Sihon aga digi te Hesbonde bidiyu, tama agai te hanu dabe tolaluali te Amor dabe bidalubo sesege d̄aj̄ igi pai. ¹¹Augwaligo te Gileat dabego t̄o me sali, tama te Gesur, me Maka dabego t̄o me, tama te Hermon bulu du pedai tigidali me, tama te Basandu te Saleka teba usu nigi pelama, ¹²tama te Okgo tonalubo t̄o tigidali sobadi, te aga tuni bidi te Astarot me Edreide bidali sogo. Ok aga te Refaim bage me deli, tama aga te augwaligo sabi siminani dao. Mosesgo te boi hw̄inama, te Refaim dabe augwali aiyaba elaluama, tama augwali ela gudulali. ¹³Tiali goli, te Israel dabe augwaligo te Gesur dabe, me te Maka dabe dali te augwali ela gudulube. Augwali te Israel dabe dali hodobo bidada peyu, tama megi e po aš̄ebo sogoba usu nagasai.

¹⁴Tiali goli, Mosesgo te Livai hani te t̄o me masīawai. Magi baso meni, te Israel we bidi dabego Genuai Bidiba ofa ilabo nai dabe sela

^t 13:6 Nam 33:54 ^u 13:8 Nam 32:33; Bom 3:12

asobo si da, te Livai dabego meba sabo dao. Te Genuai Bidigo Mosesbolo wali po gilama yali.^v

¹⁵Mosesgo te t̄q pedai me badu deli te Rubengo hani sibi dabe deli delibolo menama, tama te augwa t̄q mu pedelali. ¹⁶Te augwaligo hanu t̄q pedai te Arnon odogo t̄q sesegede elalubo bulu nogi Aroer tede gagalama, tama te odogo tomode elalubo hanu ela soayu, tama te Medeba dabego dolo elalubo t̄q tigidali tedu pelama, ¹⁷tama pelama, te Hesbonba sabolama, te t̄q malu dolo t̄qde te tigidali hanu elaluali: Dibon, me Bamotbal, me Bet Balmeon, ¹⁸me Jahas, me Kedemot, Mefat, ¹⁹me Kiriataim, me Sipma, me Seretsahar, te tama bulu te malu t̄q te dwasianu bulu du ugwadu bagede elaluali, ²⁰tama te Betpeor, tama te Pisga bulu du pedai badu me, te Bet Jesimot, ²¹me te gasa tigidali hanu me te t̄q malude elaluali. Tama te Amor dabe tigidali hanu dabe te tuni bidi Sihon deligo tonaluali. Aga te Hesbonde te gavman tuni bidi bidali. Mosesgo te boide hw̄n̄nama, tama aga aiyaba elalubadi, tama te Midian dabe tobolu bidi dabe me aiyaba elalubadi yali. Augwali da, te Evi, me Rekem, me Sur, me Hur, me Reba. Tigidali te hanude bidalubadi, tama te gavman tuni bidi Sihongo te augwa bidibo madi tonalumainu s̄q mani. ²²Tama Balam, te Beorgo ogwa, tama te bidigo te nosali pedelabo s̄q po wabo koneai bidi, te Israel dabego aga me ela muani. ²³Te w̄ Jordan te Rubengo hani bidibo sesegede elaluali. Tama te hanu me te bulu dabe te Rubengo hani sibi deli deligo te augwa t̄q da olama, sesa pali.

²⁴Tama Mosesgo te t̄q te Gatgo hani sibi tigidali deli delibolo doba yali, tama augwa t̄q gagalama bidali. ²⁵Jasago t̄q me te Gileat tigidali hanu, tama te Amon dabego t̄q pedai te Aroer teba usu nama, te Amon dabego t̄q tomode elaluali, te giliga ge pedalubo madi, te Raba t̄q p̄de elaluali. ²⁶Te t̄q te Hesbonde gagalasa, pelama, te Ramatmispe, me Betonim, me te Mahanaim, te pelama, te Lodebar te sesegeba usu nigi pali. ²⁷Te Jordan w̄ t̄q malude elaluali bulu te Betharam, me Betnimra, me Sukot, me Safon, te gavman tuni bidi Sihongo tonaluali t̄q pedai badu, te Hesbon t̄q pedai badu, te Jordan w̄ te badu gagalasa, te giliga pedalu badu sabolama, tama te sigi ā Galili t̄q badu d̄ā igi pelama sai. ²⁸Tama te hanu dabe me te bulu dabe, te Gatgo hani sibi te bagego te augwa t̄q da olama, sali.

²⁹Tama Mosesgo te Manasego hani sibi dabe deli delibolo te t̄q me badu te augwali bidimainu mani. ³⁰Augwaligo sali t̄q te Mahanaimde gagalasa, pelama, tama te Basan pedai tigidali badu sali, te gavman tuni bidi Ok tego polobadu tonaluali hanu Basan da. Tama augwaligo te Jairgo tonaluali hanu te bidi sese sela 60 hanu te Basande tomode elaluali t̄q tigidali sali. ³¹Te t̄q sali te Gileat te badu me sali, tama te

Astarot, me Edrei me sigi pali, te gavman bidi Okgo polobadu tonaluali hanu dabe da. Tama Mosesgo te t̄o dabe te Makirgo hani sibi dabe deli delibolo mani, te Manasego ogwa dao.

³²Te tiwai naga Mosesgo te giliga pedalubo badu t̄o, te Jeriko me Jordan t̄o, te sa muani, te aga Moap dabego te t̄o malude bidibo sogo tiali. ³³Tiali goli, Mosesgo te Livaigo hanibolo te t̄o me masiawai. Agai augwalibolo te po wali, “God, te da Israel dabego Genuai Bidi, agade te dagego s̄e yaibao, tama tibaso te t̄o me badu dagego me sogobeo,” wali.”

Augwaligo te Kenan t̄o dobayali

14 ¹Te Israel dabego te Kenan t̄o sali. Te pris bidi Eleasar, me Josua te Nungo ogwa, tama tigidali Israel hani tobolu bidi dabego hani sibi deli deli augwalibolo te t̄o dobayali. ²Hasia bolo Genuai Bidigo Mosesbolo te po wali gilama eyu, te tobolu bidi dabego te mena hani sibigo te mena t̄o sabo po dodolama, tama te t̄o te a naga olama, me si me si haniba dobayali. Tama augwaligo te tiwai yali.^x ³⁻⁴Tama polobadu Mosesgo te t̄o deli deli pedai badu te hani sibolo mayu, tama gasa Israel hani me badubolo mayu, te Jordan w̄e te giliga pedalubo badu mobadi yali. Te Josepgo hani w̄aj dabe te hani si bugali, Manase me Efraim. Tiali goli, Mosesgo te Livai hani dabebolo te t̄o me mabeo. Augwaligo te hanu meba naga sali. Tama te hanude te augwaligo bulmakau me sipsip dabe elaluali, te hanu dabe p̄ade nosai elalubo digi me augwaligo sali.^y ⁵Te Israel dabe augwaligo te t̄o tama dobayali, te Genuai Bidigo Mosesbolo wali gilama tama tiali.

Augwaligo Hebron te Kalepbolo mani

⁶Te t̄o dobayabo sogode, te Juda bidi dabe meba te Josua bidibo digi te Gilgalba sabolali. Tama Kalep te Jefunego ogwa, te Kenas bidi, te e tiwai po Josuabolo wali, “Nago koneani, te polobadu Genuai Bidigo te Godigo s̄e bidi Mosesbolo te po wali, te da sibolo te Kades Barneade wai dao.”^z ⁷Te sogo eno kibu be te bidi sese si, te 40 yia elalubadi, tama Genuai Bidigo s̄e bidi Mosesgo ena te t̄o Kades Barnea te ena geme sa pabo bidi tagala palali. Tama eno tede suali nai po mu te po eno te Mosesba wagasali.^a ⁸Tiali goli, te ena dali pali bidi dabe augwaligo te we bidi wi ebo s̄e ilali. Tiali goli, eno te dago Genuai Bidi Godigo po bugagia dolo wali pali. ⁹Tama tibaso, Mosesgo te tiwai po me deli ena dali te sogo dāu wali. Agai te po wai, ‘Nago te God wali bugagia pali, te dago Genuai Bidi da, tama tibaso, nage me, nago ogomani dali, te nage

w **13:33** Nam 18:20; Bom 18:2 x **14:2** Nam 26:52-56; 34:13 y **14:3-4** Nam 32:33; 34:14-15; Bom 3:12-17 z **14:6** Nam 14:30 a **14:7** Nam 13:1-30

bilali t̄o pedai badu siyu, tama augwaligo te t̄o sesemane sogo elalua pidu, mu elalua paibao,' te po wai.”^b

¹⁰Tama Kalepgo te tiwai po ma weyu, te po wali, “Nago odao. Genuai Bidigo Mosesbolo te tama po olama, tama nosali te Israel dabe augwali te masigi kemi t̄ode bilalubadi, tama megi da, te kibu be bidi sese si olama, a naga silalio. Tiali goli, Genuai Bidigo ena tau sobaso, tama ena megi e sogo me bidibao. Tialima, nago ena suao. Eno kibu be te bidi sese me si me si elama, te nogo a naga, te 85 kibu be yalio. ¹¹Tiali goli, megi te eno bomo me elalubo, te polobadu ena teba biligi pomainu tagala palali tiwai gilama elalubo. Te ena bomo me elalubadi, tama eno te boi hw̄igi pelama, tama tigidali s̄e eno ela silabo megi me usu dao, te eno polobadu yali gilama elalubo. ¹²Tialima megi da, te Genuai Bidigo enabolo te mawaibao wali te bulu du t̄o pesage te enabolo mao. Te polobadu sogo nago odali, te ena me, te ena dali pali bidi dabe, dago te nai suali po Mosesbolo pusali. Te Anakde moni bidi dabe te bulude bidalubadi, tama dago nagebolo wai. Augwali te genuai obo yai hanude bidalubo po wali. Te Genuai Bidi ena dali bidiyu da, teda te bidi dabe augwali eno ela gudulaiba homu ebao, te agai wali po tiwai gilama yaibao,” Kalepgo te po wai.

¹³Tama Josuago te Kalepgo wali po odama, tama agai te Godigo nage dali dwagi yai s̄e emainao po te Kalepbolo wali, tama te Hebron hanu agabolo manio, te aga sabo t̄o mu tama dao. ¹⁴Kalepgo Godigo po bugagia wali pali da, God da te Israel dabego Genuai Bidi dao. Tama Hebron hanu te Kalepgo w̄a hanigo t̄o gagalama bidali, te Jefunego ogwa, te Kenas bidi dao. ¹⁵Polobadu te Hebron hanu nogi te Kiriati Arba nogi yali. Tama Arba te Anak bulude te moni bidi me deli bidai.

Tialima, te t̄o Kalepgo selama, tama te sogo da te bulude w̄abi munu ma hw̄is̄ama, bidaluali.

Te Juda dabego t̄o sa munama, dobayali

15 ¹Te Judago hani sibi deli deligo te hanude t̄o sainu, te tiwai po augwaligo po miani: te t̄o d̄āi pali te Idom t̄o pedai bogo badu saboligi pali, tama pelama, te masigi kemi t̄o te augwaligo Sin nogi yali, te sesege bogo badu mu d̄āi iligi pali. ²Te d̄āi pali te Isai Tamu Āi te badu d̄āi igi pelama, ³tama pali te bulu du Akrabim, te bulu nogi Sinba pedaligi pali. Tama Negevdu d̄āi pali, te Kades Barneaba sabolama, tama Hesron ela soayu, tama pelama, te Adarba sabolali. Tama nosali begelama, te Karkaba sabolama, ⁴tama pelama, te Asmonba sabolama, tama te Isip d̄āi badu te dwasianu w̄e wali peyu, tama te w̄e nogi Mediterenian Tamu Āi teba d̄āi igi pali. Te Judago t̄o d̄āi yali te saut badu siligi pai dao.

^b 14:9 Nam 14:24

⁵Te giliga pedalubo badu daj te Isai Tamu Ajide elama, tama pelama, te Jordan pabo we te Isai Tamu Ajiba sabalobo madiba sabolali. Tama te pedai a badu te badu gagalama, daj yali, ⁶tama pelama, te Bethokla sabolama, tama pelama, te Betaraba te a badu ma sabolali. Tama palima, te Bohango genuai masigi elalubo teba saboligi pali, te Rubengo ogwa dao. ⁷Tialima, te odogo to Akor tede daj palima, te Debir teba sabolama, tama nosali te not a badu palima, tama begelalima, te Gilgal teba pali. Te bulu Gilgal tedu te Adumim te malu to bulu du te ogwa badu suali. Tama pidubadi, te we Ensemes sabolama, tama palima, te Enrogelba daj igi pali, ⁸tama te Hinomgo ogwago te odogo to tedu wali pelama, te Jebusgo bulu du te a badu sabolali. Te Jerusalem te badu elaluali. Tama daj pidubadi geanima, te bulu duba sabolali, tama te giliga dega sigi pabo badu te Hinomgo malu elaluali, te badu daj igi pali. Te daj yali te Refaim dabego te to odogo sesege badu tede elaluali. ⁹Tama te bulu du bageba holama, tama palima, te Neptoa dabego te ulu weba sabolama, tama te Efrongo hanu dabe pade te bulu duba pedelama, daj igi pai. Te pedai badu te daj begelama, te Bala te badu pali, te gasa nogi me elaluali te Kiriati Jearim dao. ¹⁰Te Bala te badu te daj yali te giliga dega sigi pabo badu palima, te Idomgo Bulu Du dabe elaluboba pedelali, tama palima, te bulu du Jearimba sabolali, te gasa nogi me elaluali Kesalon, te not badu tama pelama, te Betsemes teba dulalima, tama peyu, te Timna te bulu taga pali. ¹¹Tialima, te daj te bulu du sao badu te Ekron te not badu wali palima, tama begelalima, te Sikeronba sabolama, tama te Bala bulu du taga peyu, tama te Japnelba sabolali. Tama te daj pali, te Mediterenian Tamu Aj teba siligi pai.

¹²Te giliga dega sigi pabo badu te daj igi pali, te Mediterenian Tamu Aj sesege te tama dao. Te to daj ilama, bagulali, te Judago hani bage naga bidabo digi nigilali.

Kalepgo te Hebron me Debir si sali

¹³Polobadu Genuai Bidigo te Josuabolo po mayu, te augwaligo Juda dabego hanu to me deli te Kalepbolo mao po wali, te Jefunego ogwabolo. Tialima, Josuago tama tiali. Tama te to pedai Hebron, te Arbago hanu, te Anakgo aya dao. ¹⁴Kalepgo te Anakgo hani bidi sela ela gudulali, Sesai, me Ahiman, me Talmi.^c ¹⁵Nosali Kalepgo te bulu taga peyu, te pelama, te Debirde bidalubo hani bage dali boi hwigi pali. Polobadu augwaligo te hanu nogi te Kiriati Sefer nogi yali. ¹⁶Tialima, Kalepgo te po wali, “Te niwai bidigo te Kiriati Sefer teba boi hwigi pelama, tama te hanude bidibo bage te aiyaba elalubaso da, teda agai te eno wegi Aksa somainogo yaibao,” wali.

^c 15:14 Tob 1:20

¹⁷Tama Otniel, te Kenasgo ogwa, te Kalepgo amago ogwa, te hanuba hwiği pelama, te bulu bidi dabe aiyaba elaluama, te hanu sali, tama Kalepgo wegi Aksa te agaba menama, tama agai sali.

¹⁸Tama te we Otnielba asobadi te sogo, Otnielgo bomo elama, te wego te aga ayabolo te t̄q me deli momainogo hanalu wao po olama, bomu yali. Tama te we te Kalep bidiboba pelama, tama aga donki kibu daide dulaluali tagalama, aiyaba samonani, tama Kalepgo agabolo hanalu wali, “Nago magi nai godolo ebasowe?”

¹⁹Tialima, wego te po wali, “Eno homugo te nago ena wiegi yai homu yabo nai me deli mao. Nago te Negev hanu t̄q enaba mani, te t̄qde w̄e menio. Tama nago enabolo te ulu w̄e meba mao,” wali. Tialima, Kalepgo te w̄e ulu ugwadu elalubo me aiyadu me mani.

Te Juda dabego hanu dabe

²⁰Te t̄q dabe te Judago ogwa hani sibigo te augwa t̄q da olama, sesa pali. ²¹Te Juda dabego hanu dabe te saut teba polobadu te Idom dabego t̄q sesege p̄ade elaluali, te hanu dabe augwali nogi te e dao, Kapsel, Eder, Jagur, ²²Kina, Dimona, Adada, ²³Kedes, Hasor, Itnan, ²⁴Sif, Telem, Bealot, ²⁵Hasor, Hadatat, Keriot Hesron, te gasa nogi me Hasor elaluali, ²⁶Amam, Sema, Molada, ²⁷Hasargada, Hesmon, Betpelet, ²⁸Hasarsual, Berseba, Bisiotia, ²⁹Bala, Im, Esem, ³⁰Eltolat, Kesil, Horma, ³¹Siklak, Matmana, Sansana, ³²Lebaot, Silhim, Ain, Rimon. Te bidi sese deli olama, te nogo a naga me si me si, te ²⁹, te tama hanu dabe badi, tama te hanu dabe p̄ade te dwasianu bulu dabe, te Juda hani sibigo elaluali.

³³Te dwasianu bulu du elalubo t̄qde te giliga dega sigi pabo badude, e tama hanu dabe elaluali, te Estaol, Sora, Asna, ³⁴Sanoa, Enganim, Tapua, Enam, ³⁵Jarmut, Adulam, Soko, Aseka, ³⁶Saraim, Aditaim, Gedera, te gasa nogi me Gederotaim, te elaluali. Te nogo si olama, sağago me si me si hanu badi, te tama tigidali bulu dabe dali te p̄ade elaluali.

³⁷Te e tama hanu dabe me elaluali, te Senan, Hadasa, Mikdalgat, ³⁸Dilean, Mispā, Joktel, ³⁹Lakis, Boskat, Eklon, ⁴⁰Kabon, Lamon, Kitlis, ⁴¹Gederot, Betdagon, Nama, Makeda. Te 16 tama hani dali, te p̄ade elalubo dwasianu bulu dabe dali, te Juda dabego elaluali.

⁴²Te e tama hanu dabe me elaluali, Lipna, Eter, Asan, ⁴³Ipta, Asna, Nesip, ⁴⁴Keila, Aksip, Maresa, te tama hanu elaluali. Te 9 hanu te dwasianu bulu dabe meba augwali p̄ade elalua pali.

⁴⁵Te e tama hanu me elalua, Ekron hanu me te dwasianu bulu dabe dali, ⁴⁶me tama tigidali hanu me bulu te Asdot p̄ade elaluali, te Ekron me te Mediterenian Tamu Aḡi tomode elaluali. ⁴⁷Asdot me Gasa tede te hanu me te bulu dabe dali elaluali, te Isip dwasianu w̄e sesegede, me te Mediterenian Tamu Aḡi te w̄e si p̄ade elalua pali.

⁴⁸Te bulu du bagede te e tama hanu dabe elaluali, Samir, Jatir, Soko, ⁴⁹Dana, Kiriāt Sefer, te gasa nogi me Debir elaluali, ⁵⁰Anap, Estemo,

Anim, ⁵¹Gosen, Holon, Gilo, te tama hanu elalui. Te 11 hanu dali, te augwali pade elalubo dwasianu bulu dabe dali, te Juda dabego elalui.

⁵²Te e tama hanu dabe me elalui, Arap, Duma, Esan, ⁵³Janim, Bet Tapua, Afeka, ⁵⁴Humta, Kiriati Arba, te gasa nogi Hebron wabo, tama Sior, te tama hanu elalui. Te 9 hanu dabe, me te augwali pade elalubo dwasianu bulu dabe dali, te Juda dabego elalui.

⁵⁵Te e tama hanu dabe me elalui, Maon, Karmel, Sif, Juta, ⁵⁶Jesril, Jokdeam, Sanoa, ⁵⁷Kain, Gibe, Timna, te e tama hanu elalui. Te nogo si hanu dali, te augwali pade elalubo dwasianu bulu dabe dali, te Juda hani sibi dabego selama, elalui.

⁵⁸Te e tama hanu dabe me elalui, te Halhul, Betsur, Gedor, ⁵⁹Marat, Betanot, Eltekon, te e tama hanu elalui. Te hanu 6 dali, te augwali pade elalubo dwasianu bulu dabe dali, elalua pali.

⁶⁰Te e tama moni hanu si elalui, Kiriati Bal, te gasa nogi wabo me te Kiriati Jearim, me Raba, te moni hanu si elalui. Te hanu si pade te dwasianu hanu dabe me elalui.

⁶¹Te masigi kemi olo tade te e tama bulu elalui, Betaraba, Midin, Sekaka, elalubadi yali, ⁶²Nipsan, me te tade tamu elalubo hanu me elalui, Engedi hanu me elalui. Te hanu 6 dali, te augwali pade elalubo dwasianu bulu dabe me, te Juda dabego dobayali.

⁶³Tiali goli, te Juda dabego te Jebus dabe te Jerusalemde bidalubo te augwali me sela sayu, te me ela gudulubeo. Tama tibaso, te Jebus dabe te Juda dabe dali te Jerusalemde bidali, te megi e po asebo sogoba usu nagasali.^d

Te augwaligo Efraimgo tade dade nigilali

16 ¹Te augwaligo Josepgo wade dabego tade dade nigilibo gagalali, te we Jordan te Jeriko hanu pade gagalasa pelama, te giliga pedalubo badu te Jeriko we ulu pedalubo paba sabolalima, tama te masigi kemi olo tade tomoba saboligi pali. Tama dade tedu pelama, tama te bulu duba sabaligi palima, te Betel buluba dade igi pali. ²Te Beteldu dade pali te bulu Lusba sabolama, tama palima, te Atarotba dade igi palima, te Arka bidi dabe bidalubo madi dao. ³Nosali te dade pali, te giliga dega sigi pabo teba pedelama, te Japlet dabe bidiboba sabolali, tama pelama, te Bethoron elalubo te aiyadu te dade igi pai. Tama tedu te dade palima, Geserba pelama, tama te Mediterenian Tamu Aji te pedaligi pali. ⁴Te Josepgo wade dabe, te Manasego hani me te Efraimgo hani dali, augwaligo te tade sali.

⁵Te e da te Efraim hani sibigo tade dao. Te augwaligo te giliga pedalubo badu sabo, te Atarot Adar hanude gagalasa pali, tama palima, te Bethoron teba dade igi pali. ⁶Tama te dade pali, te Mediterenian Tamu Aji teba saboligi pali.

^d 15:63 Tob 1:21; 2 Sml 5:6; 1 Sto 11:4

Mikmetat te augwaligo t̄o pedai te not badu elaluali. Te giliga pedalubo badu d̄aj te Tanatsilode begelali, tama te bulu taga palima, tama pelama, te Janoa teba saboligi pali. ⁷Tialima, d̄aj te Janoade tagalalima, te Atarot me Nara te bulu siba dulali. Tama Jerikoba sabolama, tama te Jordan w̄eba simanigi pali. ⁸⁻⁹Te Tapuadu d̄aj pali, te giliga dega sigi paboba sabolama, tama te w̄e Kanaba pedelama, tama palima, te Mediterenian Tamu Āj teba sabolali. Te t̄o dabe dali te tigidali hanu elaluali, augwaligo te Efraimgo hani sibigo sabo nai naga dao. Tama te Efraim dabe meba te Manasego hanu dabede bidiyu, tama Manasego bulu t̄o tomode me bidaluali. ¹⁰Tiali goli, augwaligo te Geserde bidali te Kenan bidi dabe te augwali me ela gudulubeo. Tama te Kenan dabe te Efraim dabe tomode bidaluali. Tama te Efraim dabego te Kenan dabe te augwaligo olo s̄e ebo bidi tiwai s̄e emainu yalio.^e

Te Manasego t̄o

17 ¹Augwaligo te Manasego hani dabego t̄o me deli te d̄aj ilali, magi baso meni, Manase te Josepgo gomunai ogwa dao. Makir, te Manasego gomunai ogwa da, tama aga te ami bidi me deli da, tama te Gileat t̄ogo aya da. Tama augwaligo aga t̄o te Gileat badu, me Basan te badu, te t̄o d̄aj ilama, bidali. ²Tama augwaligo te Manasego gasa hani dabe mebago t̄o d̄aj ilama, mani, Abieser, me Helek, me Asriel, me Sekem, me Hefer, me Semida, te tama bage t̄o d̄aj ilali. Te bidi dabe augwali te Manasego wai dabe, tama augwali te augwa hani dabe tomode te augwali tobolu bidi bidali da.

³Te Selofehat, te Hefergo ogwa da, tama Hefer te Gileatgo ogwa, tama Gileat te Makirgo ogwa, tama Makir te Manasego ogwa da. Tiali goli, Selofehatgo te wai ogwa me deli ame nabe. Te agai wegı dabe a naga ame nani. Te augwali nogi e dao, Mala, me Noa, me Hokla, me Milka, me Tirsas. ⁴Augwali pelama, te pris bidi Eleasar, me Josua, me te tobolu bidi dabe me sugi pelama, tama augwaligo te po wali, “Genuai Bidigo te Mosesbolo po weyu, te t̄o me deli te dabolo me mao weyu, te dena aya aga ama solobolo mabo tiwai gilama yao po weyu yali.” Te we a nagago te po wai. Tialima, augwaligo te t̄o me te we dabebolo me, te augwa aya aga ama solo bidi dabebolo me, te t̄o mani, te Genuai Bidigo wali po gilama yalio.^f ⁵Tama te Manasego hanigo te nogo si t̄o pedai sali, te augwaligo polobadu te Gileatgo t̄o dali, me te Basan te Jordan w̄e u badu te giliga pedalubo badu dali sali. ⁶Magi baso meni, augwaligo te Manasego ogwa wegı dali augwalibolo te t̄o mani. Tama augwaligo te Gileatgo t̄o te Manasego gasa hani w̄aj dabebolo mobadi yai.

⁷Te Manasego t̄o sali te Aserdu gagalasa pelama, te Mikmetat buluba sabolama, tama te Sekem bulu p̄aba te giliga pedalubo madi sabolali.

^e 16:10 Tob 1:29 ^f 17:4 Nam 27:1-7

Tama te daꞑi te saut te badu te Entapua buluba sabaligi pali. ⁸Te tꞑ Tapua te Manasego tꞑ dao. Tiali goli, te Tapua hanu te Efraimgo hanigo hanu mu dao, te Manasego tꞑ sesege badu mu elaluali. ⁹Tama daꞑi dulali, te dwasianu wꞑ Kanaba daꞑi igi pali. Te wꞑ te saut badu elaluali hanu dabe te Efraimgo hanu da. Te hanu dabe te Manasego hanu tꞑ tomode elaluai. Tama Manasego tꞑ daꞑi pali, te dwasianu wꞑ te not badu te Mediterenian Tamu Aꞑi te badu pedaligi pali. ¹⁰Te Efraimgo pedai badu te saut badu elalu, te Manasego tꞑ pedai daꞑi te not badu elalu yali, tama Mediterenian Tamu Aꞑi te augwali sigo tꞑ daꞑi si tomode te giliga dega sabo badu elaluai. Tama augwali sigo tꞑ daꞑi te not badu te Asergo tꞑ, me te Isakargo tꞑ te giliga pedalubo badu elalu yali.

¹¹Te Isakar de Aser Israel hani sigo tꞑ tomode te Manasego te hanu Betsan dali Ipleam dali si, me te paꞑe elalubo bulu dabe dali sobadi yali, tama Dor hanu te nabis aꞑi sane badu elaluali, tama Endor, me Tanak, me Megido, te paꞑe elaluali bulu dabe dali sai. ¹²Tiali goli, te Manase hani dabe augwaligo te Kenan dabe te hanu me ela gudulubeo. Tama te Kenan dabego homu bomonama eyu, tama tede me bidaludali. ¹³Nosali te Israel dabe bomai bage pedalubode, tama augwaligo te Kenan dabe te augwaligo sꞑ olo ebo bidi pedela silali. Tiali goli, te augwaligo te augwali me sela sayu, me ela gudulubeo.[§]

¹⁴Nosali te Josepgo waꞑi dabego Josuabolo te po wali, “Magi baso nago te tꞑ pedai deli naga dabolo maniwe? Te da usu ebeo. Magi baso meni, te Genuai Bidigo da dali dwagi yai sꞑ eyu, tama dago hani te genuai pedalumainu ilali, tama da hani hauwa mu pedelalio,” wali.

¹⁵Tama Josuago te po wei ponani, “Te dage hauwa mu, tama te Efraimgo te bulu dude bidabo te dage usu meni baso da, teda dage te moni ni sili bulu tomoba pelama, tama duga bidabo digi penama, te Peres me Refaim dabego te tꞑde bidao,” wali.

¹⁶Tama te Josepgo waꞑi dabe augwaligo te po wali, “Te bulu du me te da usu me egobeo. Tiali goli, te Kenan dabe te malu tꞑde bidiyu, tama te Betsande te paꞑe elalubo dwasianu bulu dabe dali, te Jesril malu tꞑde me bidibo, augwaligo te boma pai hwꞑabo nai ain karis dabe elalubao,” wali.

¹⁷Tialima, Josuago te Efraimgo me Manasego hani sibolo wali, “Te mu tama, dage te hauwa mu tama ebaso, tama dage te bomai hani me deli dao. Te tꞑ pedai delide te dage usu egobeo. Tama tibaso, dagego te tꞑ meba sagemento. ¹⁸Te dagego te moni ni sili bulu du elalubo bulu te dagego sagemento. Mu tama, te genuai bulu elalubo, tiali goli te dagego penama, tama te tꞑ tigidali saibao. Tede bidalubo Kenan dabego te bomo eyu, tama augwaligo te ain karis dabe elalubao, tiali goli te dagego augwali sela sayu, ela gudulagemento,” Josuago te po wai.

§ 17:13 Tob 1:27-28

Te Israel dabe augwaligo t̄o usu sali

18 ¹Te Israel dabe augwaligo boi h̄w̄n̄ama, te tigidali bulu bidi dabe aiyaba elaluama, tama augwa hani tigidali te Siloba sisinani. Tede augwaligo te God dali sisinabo lotu be, te ugwa be, te augwaligo dodolama muai. ²Tiali goli, te a naga olama, me badu si hani te augwali t̄o sis̄awai. ³Tama tibaso, Josuago te Israel dabe augwalibolo wali, “God, te duga w̄āigo Genuai Bidigo, te t̄o dagebolo mawai. Dagego magi nai tonaludu, te dagego sabewe? ⁴Te tigidali hani deli delide te bidi sela naga nidigili pao. Tama eno augwali te tigidali t̄o pedai usu nama tagala palama, tama augwa digi te augwa hanigo sabo t̄o d̄āi iligi paibao. Tama elama, tama augwaligo te t̄ođe po te ripot te ās̄aibao. Tama nosali augwali ena bidibo digi ma asaibao. ⁵Augwaligo te t̄o a naga olama, me si te tama pedemainu yaibao. Te Judago hani augwali te saut badu te augwa sali t̄ođe bidiyu, tama te Josepgo hani augwali te not badu augwaligo sali t̄ođe bidiyu emainu yaibao. ⁶Tama dagego te a naga olama, me si te tama t̄o s̄uali po te ās̄enama, tama enaba selasa asao. Nosali eno te Genuai Bidigo gedude te t̄o sabo po dodolobo s̄e elama, te mena t̄o mu Godigo dagebolo sa mubowe, te koneaibao. ⁷Tiali goli, te Livaigo hani da, te Genuai Bidigo pris s̄e ebo bage bidaibao, tama augwaligo te dagego t̄o sabo tiwai gilama te t̄o me sogobeo. Tama Gatgo hani me, Rubengo hani me, Manasego hani bage me badu me, augwali te w̄e Jordan te giliga pedalubo u badu te t̄o polobadu sai dao. Moses te Genuai Bidigo s̄e bidigo te t̄o augwali mani,” Josuago te po wai.

⁸Josuago te t̄o sugi pelama, te po ās̄ēabo bidi dabebolo te e tiwai po wali, “Dage pelama, te tigidali t̄o sulama, tama t̄o po ās̄enama, tama enaba ma selasa asao. Tama e bulu Silode eno te t̄o sabo po dodolobo s̄e gagali elama, te mena t̄o te Genuai Bidigo dagego hani deli delibolo mabowe naga koneaibao.” Josuago te po wai. Tialima, te bidi dabego te Josuago po odama, tama augwali pali. ⁹Tama augwali te tigidali t̄o bilama, tama augwaligo te s̄uali po te buku me delide ās̄eni. Augwaligo te t̄o a naga olama, me badu si togwali, tama te hanu dabe nogi me ās̄eni. Nosali augwali te Josua bidibo madi te Siloba ma pali. ¹⁰Tialima, Josuago te t̄o sabo po dodolobo s̄e elama, te mena t̄o Genuai Bidigo augwalibolo mabowe naga koneainogo yali. Tama nosali agai te t̄o dobolama, te Israel hani deli deli augwaliba te t̄o mani.

Te Benjamin t̄o augwaligo d̄āi ilali

¹¹Te Benjamingo hani sibi deli deligo t̄o te Juda hani me Josep hani si tomode te t̄o d̄āi ilama, sali. ¹²Te not pedai badu te augwaligo t̄o sabo d̄āi gagali, te w̄e Jordande gagalasa pelama, te dwasianu bulu duba holama, te not pedai badu te bulu Jerikoba sabolali. Tama d̄āi pali, te giliga dega

sigi pabo te bulu dude begelalima, te masigi kemi olo t̄o badu te Betaven, teba d̄aj̄ igi pali. ¹³Tama te d̄aj̄ pidubadi geani, te saut pedai badu te dwasianu bulu du me Lus teba d̄aj̄ igi pali, te augwaligo te nogi Betel wali, tama te Atarot Adar teba aiya dulali, te bulu du me deli Bethoron p̄ade ugwadu elaluali, te saut pedai badu dao.

¹⁴Tama te d̄aj̄ gasaba poloba begelali. Te saut badu tagalama, te sia ge degegi pabo badu te bulu du a badu, te saut badu te Bethoron teba sabolali. Tama d̄aj̄ pali, te hanu Kiriati Bal, te nogi augwaligo Kiriati Jearim wabo, teba pedelali. Te hanu te Juda dabego hanu. Te giliga dega sigi pabo te d̄aj̄ pedai badu elaluali.

¹⁵Te saut badu d̄aj̄ te Kiriati Jearimde gagalasa pelama, te giliga dega sabo badu tugi pelama, te Neptoa dabego ulu w̄e elalubo madiba sabolali.

¹⁶Tama te dulali te bulu du dolalubo sesege badu te Hinomgo ogwago t̄o malu elalubo p̄aba pedelali. Te bulu du te not badu te Refaim dabego malu t̄o sesege badu elaluali. Tama d̄aj̄ pali te saut badu te Hinomgo t̄o malu bolama, tama te Jebus dabego dwasianu bulu du togolama, tama palima, te Enrogel te pedai badu d̄aj̄ igi pali. ¹⁷Tama d̄aj̄ pali, te not badu te Ensemes sabolama, tama pali, te Gelilot d̄aj̄ igi pelama, te bulu sesege Adumim pedai badu elaluali. Tama te d̄aj̄ dulali, te Rubengo ogwa Bohango genuai masigi elaluali madiba sabolali. ¹⁸Tama te d̄aj̄ yaligo te dwasianu bulu du dabe bolali, te Betaraba teba sabolama, tama dulalima, te Jordan t̄o maluba sabolali. ¹⁹Tama d̄aj̄ pali, te dwasianu bulu du te not badu te Bethokla teba d̄aj̄ igi pelama, tama te Isai Tamu Āj̄ te w̄e Jordan age siba pedelali. Te saut sesege badu dao.

²⁰Te giliga pedalubo badu te d̄aj̄ pali, te w̄e Jordan wali pali. Te d̄aj̄ yali te t̄o te Benjamin hani sibi dabego sabo t̄o dao. ²¹Te Benjamingo hanu dabe te e tama elaluali, Jeriko, Bethokla, Emek Kesis, ²²Betaraba, Semaraim, Betel, ²³Avim, Para, Ofra, ²⁴Kefar Amoni, Opni, Geba, te 12 hanu dabe, te p̄ade bulu dabe dali elaluali.

²⁵Te e tama hanu me elaluali, Gibeon, Rama, Berot, ²⁶Mispa, Kefira, Mosa, ²⁷Rekem, Irpel, Tarala, ²⁸Sela, Haelep, Jebus, te augwaligo Jerusalem nogi yali, Gibeon, Kiriati Jearim, te tama hanu elaluali. Te 14 hanu dabe, te p̄ade bulu dabe dali elaluali. Te t̄o pedai te Benjamingo hanigo sali t̄o me hanu dali, te dao.

Te augwaligo Simeongo t̄o sa muani

19 ¹Te augwaligo si wali t̄o d̄aj̄ ilali, te Simeongo hani sibi deli deliba mani. Te t̄o pedai te augwaligo te Judago t̄o d̄aj̄ ilali madi, te t̄o tomode elaluali. ²Te t̄o pedaigo sigi pali t̄o te e hanu dabe elaluali, Berseba, aga gasa nogi Seba, te Molada, ³Hasarsual, Bala, Esem, ⁴Eltolat, Betul, Horma, ⁵Siklak, Bet Markabot, Hasarsusa, ⁶Bet Lebaot, Saruhen, te tama hanu t̄o sali. Te 13 hanu dabe dali, te p̄ade bulu dali elaluali.

⁷Te e tama hanu me elaluali, Ain, me Rimon, me Eter, me Asan, tama elaluali. Te hanu me si me si dali, te pade bulu dabe dali elaluali. ⁸Te Balatber teba daj igi pali, te gasa nogi wabo Rama tama, te Negev pedai badu elaluali, tama tede elalubo dwasianu bulu dabe elaluali. Te tama to pedai naga te Simeongo hani sibi deli deligo sai dao.^h ⁹Te Simeongo to te Judago to tomode elaluali. Te augwaligo Judago to daj ilali te genuai mu elaluali. Tama tibaso, te Juda dabego usu da po weyu, tama te to pedai me badu te Simeongo hanigo sali.

Te augwaligo Sebulungo to daj ilama, mani

¹⁰Te sela wali to augwaligo te Sebulungo hani sibi deli delibolo daj ilama, mani. Te augwaligo sali to daj pali, te Sarit daj igi pali. ¹¹Tama daj pali, te giliga dega sabo badu te Mareal daj igi pelama, te Dabeset te paba sabolama, tama te Jokneam pade elalubo dwasianu we te giliga pedalubo badu sabolali. ¹²Te Sarit pedai badu, te daj pali, te Kislot Tabor te giliga pedalubo te sesege badu daj igi palima, te pelama, Daberat sabolama, tama te Jafia te ugwaba pelama, sabolali. ¹³Tama daj pidubadi, te giliga pedalubo te daj igi pelama, te Gathefer me Etkasin, teba sabolama, tama begelalima, te Nea badu te Rimon teba pabo sunumi te daj igi pai. ¹⁴Tama te not badu daj begelali, te Hanaton daj igi palima, tama te Iptahel to maluba pedelali. ¹⁵Tama te togo te Katat, me Nahalal, me Simron, me Idala, me Betlehem, te tama hanu sigi pali. Te 12 te tama hanu dali, te pade bulu dabe dali elaluali. ¹⁶Te hanu dabe dali, te pade elaluali bulu dabe dali, te Sebulungo hani sibi deli deligo sali tode te pedaide elaluali.

Te Isakargo to augwaligo daj ilali

¹⁷Te to me si me si wali te augwaligo te Isakar hani sibi deli deliba sa munama mani. ¹⁸Te to pedaigo te Jesril, Kesulot, Sunem, te tama hanu sali, ¹⁹Hafaraim, Sion, Anaharat, ²⁰Rabit, Kision, Ebes, ²¹Remet, Enganim, Enhada, Betpases, te tama hanu dabe sali. ²²Tama daj pali, te Tabor paba sabolama, tama te Sahasuma, me Betsemes daj igi pelama, tama pali, te we Jordanba sabolali. Agai te 16 hanu te tama hanu dali, te bulu pade elaluali bulu dabe dali sai dao. ²³Te hanu me bulu dabe dali, te to pedai me te Isakargo hani sibi dabego sali.

Te Asergo sabo to augwaligo daj ilali

²⁴Te to pedai a naga wali te augwaligo Asergo hanigo somainogo sa muani. ²⁵Te to pedai te Helkat, me Hali, me Beten, me Aksap, te tama hanu sobadi, ²⁶tama te Alamelek, me Amat, me Misal, te tama sali. Te

^h 19:8 1 Sto 4:28-33

giliga dega sabo badu te Karmel me Sihorlipnat te p̄aba pedelali. ²⁷Tama d̄aj begelali, te giliga pedalubo madi teba sabolali, te Betdagon te d̄aj igi pelama, tama palima, te Sebulungo t̄o p̄aba d̄aj igi pelama, tama te Iptahel te t̄o maludu pelama, te not te Betemek me Neiel sabolali. Tama d̄aj pidubadi, te not badu te Kabul d̄aj igi pelama, ²⁸tama Ebron, me Rehop, me Hamon, me Kana tama pali, te genuai hanu Saidonba sabolali. ²⁹Tama te d̄aj begelama, te Rama teba pelama, tama te Tairba pedelali, te hanude te dila pai obo masigigo bagulai elaluali. Tama te d̄aj begelalima, te Hosaba pelama, tama pali, te Mediterenian Tamu Āj te badu sabolali. Te t̄o pedaigo te Mahalap, me Aksip sobadi, ³⁰me Uma, me Afek, me Rehop, te tama t̄o me hanu sobadi yali. Te 22 hanu, te tama hanu badi, te p̄ade elaluali bulu dabe dali sobadi yali. ³¹Te hanu me, te bulu dabe dali, te t̄o dali te Asergo hani sibi deli deligo sali t̄ode elaluali.

Te augwaligo Naptaligo t̄o d̄aj ilali

³²Te a naga olama, me badu nogo kibisa deli wali t̄o te augwaligo Naptaligo hani sibi deli delibolo d̄aj ilali. ³³Te augwaligo d̄aj eyu, te Helep tagalama, tama te Sananimde elaluali ni ok te d̄aj igi pelama, tama te Adami Nekep me Japnel d̄aj igi pelama, tama pali, te Lakum d̄aj igi pelama, tama te w̄e Jordanba siligi pali. ³⁴Tama d̄aj pali, te giliga dulubo badu begelama, te Asnot Tabor, me Hukok te d̄aj igi pelama, tama te Sebulungo t̄o te saut p̄abadu sabolama, tama te Asergo t̄o badu, me te giliga dega sabo badu pelama, te Judago t̄o badu d̄aj igi palima, te giliga pedalubo badu te w̄e Jordan d̄aj igi pai. ³⁵Te dili yai masigigo nigali obo bagulali elaluali hanu dabe te e dao, Sidim, Ser, Hamat, Rakat, Kineret, ³⁶Adama, Rama, Hasor, ³⁷Kedes, Edrei, Enhasor, ³⁸Yiron, Mikdalel, Horem, Betanat, me Betsemes. Te hanu dabe dali, te gasa hanu dali nedeyu, te 19 tama hanu dali te tama bulu p̄ade dabe dali elaluali. ³⁹Te tama hanu me, te bulu dabe dali, te Naptali hani sibi deli deligo sali t̄ode elaluali.

Te Dango t̄o augwaligo sa muani

⁴⁰Te a naga olama, me badu nogo si t̄o te augwaligo Dan hani sibi deli delibolo sa muani. ⁴¹Te t̄o pedaigo te e tama hanu sali, Sora, Estaol, Irsemes, ⁴²Salabin, Aijalon, Itla, ⁴³Elon, Timna, Ekron, ⁴⁴Elteke, Gibeton, Balat, ⁴⁵Jehut, Beneberak, Gatrimon, ⁴⁶Mejarkon, me Rakon, me te Jopa, te bulu habu badu elaluali.

⁴⁷Nosali te Dango hani dabe bidali t̄ode te t̄o page bidi dabego augwali ela gudulai. Tama tibaso, te Dan dabe te Lesem buluba pelama, tama augwali dali boi hw̄igi pali. Augwaligo te hanu sainu, te hanude bidali bulu page bidi dabe te tigidali ela silai. Nosali augwaligo te po wali, te t̄o te augwa t̄o dao wali, tama augwali tede bidaluali. Augwaligo te hanu

Lesem te nogi hasegelama, tama augwaligo te nogi Dan poali, te augwa waiḡo nogi tiwai mu dolo poali.ⁱ 48 Te bulude te elaluali hanu, me te paḡe elaluali bulu dabe dali, te Dango hani sibi deli deli augwa sali.

Te Josuago tḡ augwaligo sa munama, ḡai ilali

49 Te Israel dabe augwaligo te tigidali tḡ sesabela silama, tama augwaligo te tḡ pedai me deli te Josua mani, te aga Nungo ogwa dao. 50 Josuago te bidi dabe augwalibolo hanaluyu, te Timnat Sera, te Efraimgo bulu du pedai badu mao po wali. Tialima, augwaligo agabolo te hanu mani, te Genuai Bidigo po wali gilama tama tiali. Tama Josuago te hanu ma nililama, tama aga te hanude bidali.

51 Te pris Eleasar, me Josua te Nungo ogwa, tama te tigidali deli deli Israel hani sibi tigidalide te augwa genuai bidi deliba sisinama, te augwaligo te tḡ dobabo po dodolobo sḡ elama, te mena tḡ te Genuai Bidigo augwalibolo mabowe naga koneainogo yali. Te genuai bidi dabego te tiwai sḡ te Silo bulu paḡe, te God dali deli sisinabo ugwa be sunumi paḡe tama tiwai sḡ yai. Tama te tḡ ḡai ebo, me te tḡ dobabo sḡ me, te silalio.

Te bidi dabe teba wi pabo hanu dabe

20 1 Nosali Genuai Bidigo te tiwai po Josuabolo wali, 2 “Nago te Israel dabebolo wao, ‘Dagego te bidi dabe teba wi pomainu yabo hanu dabe meba nogo tḡ ilao, te eno Mosesbolo olama, te dagebolo wali, te tiwai gilama yao. 3 Magi baso meni, te niwai bidi mego te gasa bidi me ela muai madi, tiali goli aga dali te boi isḡama tama tiali, tama bidigo me konebe, te bidi aga digi te gasa bidi me ela mubo digi homu isḡama te konebe, teda aga te hanu dabe te me deli teba pomainogo yao, te boi wei ponobo bidigo aga ela muidali weyu yao. 4 Aga te hanu dabe me deliba wi pelama, tama te po tḡ yabo madi te hanu genuai sunumi teba pedelama, tama te tobolu bidi dabebolo te sḡ mena tama yali po te hanilama pusumainogo yao. Nosali te tobolu bidi dabego aga te hanu tomoba pomainogo yaibao, tama augwaligo te aga augwali dali bidabo pesage te bulu menama bidimainogo yaibao. 5 Tama te wei ponainogo yali bidigo te aga wali pobeasa pelama, te hanuba pedalubaso da, teda tede bidibo bidi dabego te wi asali bidi te aga nogoba elimainogo magobeo. Magi baso meni, agai wado elama, te bidi me elibeo. Menio. Tama agai abagi Israel me deli ela muabo homu ebeo. Tama tibaso, te we bidi augwaligo te wi asali bidi bugagia tonaluaibao. 6 Tama aga te hanude bididubadi, te aga po tḡ te tigidali bidi gedude ilibo sogoba usu nao. Tama nosali aga tede bididubadi, tama te sogo bidali te het pris isibo sogoba usu naibao. Teda

ⁱ 19:47 Tob 18:27-29

nosali te aga page bulu ma pabo te usu da, te aga polobadu wi soyu taga soali buluba ma pomainao,' ” Genuai Bidigo te we bidibolo pusabo po te Josuabolo wali.

⁷Tama po obaso, te we bidi augwaligo te Kedes hanu te Galili badu, te Naptaligo bulu du elalubo badu ɗaj ilali, tama te Efraimgo bulu du badu te Sekem hanu ɗaj ilibadi, tama te hanu Kariat Arba, te gasa nogi Hebron tama, te Judago bulu du badu elaluai. ⁸Te Jordan wɛ u badu, te giliga pedalubo badu, te Jeriko te masigi kemi tɔ badu ɗaj ilali, augwaligo te Rubengo tɔde te Beser hanu tɔ ɗaj ilali, tama me te Ramot hanu te Gileat bulu te Gatgo tɔ badu, tama me te Golan hanu te Basan bulu tomode, te Manasego tɔ badu elaluai. ⁹Te tama hanu dabe te tigidali Israel dabe geme duala sigi pabo hanu dabe nigilali, te gasa bulu bidi dabe te augwali dali bidali bage me te hanuba naga wi duala sigi pomainogo yali. Tama te bidi me deligo te gasa bidi me elibaso da, tiali goli te agai aga dali boi bidi eyu me elibe, teda aga pelama, te hanude bugagia bidigi pagameo. Tama te bidigo wei ponainu wali pali bidi, agai te bidi me elamuo, tama te bidi te tigidali bidi dabe gedude te po tɔba pedalumainogo emai hagede yao.^j

Te Livai dabego hanu dabe

21 ¹Te Livaigo hanide te tobolu bidi dabe pelama, te pris bidi Eleasar me, te Josua te Nungo ogwa me, te tigidali Israel hani dabe te tobolu bidi dabe bidibo madi sugi pali. ²Augwaligo te bidi dabe te Silo bulu te Kenan dabego tɔba sisanama, tama augwalibolo te tiwai po wali, “Genuai Bidigo bomai po dabolo te Mosesgo pedauwalide mani, te dago digi dena hanu meba sobadi, tama te dago bulmakaugo tuabo te wiegi yai nosai elalubo tɔ saibao wali,” augwaligo te po wai.^k ³Tama tibaso, te Israel dabego te Genuai Bidigo po wali pelama, tama augwaligo te hanu dabe me, tama te augwa nosai elalubo dwasianu tɔ dabe badi, te Livai hani dabebolo mani.

⁴Hasia augwaligo te Kohatgo hani sibibolo ɗaj ilama, tama augwaligo te hanu dabe sai. Te hani pris dabe te augwali te polasa bidali, te pris te waj Arongo hani dabe, tama augwaligo te Juda hanide me, te Simeon hani me, Benjamin, te hani selade augwaligo te nogo si olama, sagago sela hanu sali. ⁵Tama te Kohatgo gasa hani augwaligo te nogo si hanu dabe sali, te Efraimgo hanide, me Dango hani, me Manasego hanide te hanu dabe sali.

⁶Te Gersongo hani sibigo te Isakar, me Aser, me Naptali, te hanide te augwaligo te 13, te tama hanu sali, tama te Manasego hani te Basande bidali bagego hanu meba, te Gersongo hani sibigo me sobadi yali.

^j 20:9 Nam 35:6-32; Bom 4:41-43; 19:1-13 ^k 21:2 Nam 35:1-8

7Te Merari hani sibigo te Ruben, me Gat, me Sebulun, te hani selago hanu te 12 hanu sai.

8Te Israel dabe augwaligo te Livai dabe hanu, me te bulmakau dabe bidabo t̄q d̄aj̄ ilali. Augwaligo te Genuai Bidigo te Mosesgo pedauwalide wali po tiwai gilama te s̄e yali.

9-10Te e nogi da te Juda me Simeon te hani sigo hanu dabe te Kohat hani sibigo te pris s̄e emainogo te hanu dabe hasia bolo mani. Te bidi dabe augwali te Arongo w̄aj̄ dabe dao. Te we bidigo augwali bidabo badu bolo te hanu t̄q mani. 11Tama augwaligo te hanu Kiriati Arba, te gasa nogi me Hebron elaluali, te augwaliba mani. Tama te polobadu bidali bidi Arba te Anakgo aya dao. Kiriati Arba te bulu du te Judago bulu badu elaluali. Augwaligo te Kohat dabebolo te hanu, me te p̄ade elaluali t̄q dali, te tama te bulmakau dabego tuabo wiegi yai nosai elaluali dali, te augwalibolo mani. 12Tiali goli te we bidi augwaligo te gi s̄e yabo t̄q me, tama te hanu p̄ade elaluali bulu dabe dali, te Kalep agabolo polobadu mawai dao. Kalep te Jefunego ogwa dao.

13Augwaligo te hanu dabe te pris Arongo w̄aj̄ dabebolo mani. Te Hebron, te bidi dabe game duala wi sigi pabo hanu da, me Lipna, 14me Jatir, me Estemoa, 15me Holon, me Debir, 16me Ain, me Juta, me Betsemes, te tama hanu dabe dali te wiegi yai nosai te bulmakaugo tuabo te t̄qde elaluai. Te Juda de Simeon hani sigo te 9 hanu augwali mani.

17Te Benjamingo hanigo te hanu me si me si augwaliba mani, Gibeon me Geba, 18me Anatot, me Almon, te bulmakaugo tuabo nosai elalubo wiegi yai t̄q dali, te augwali mani. 19Augwaligo te hanu nogo si olama, s̄aḡago sela hanu dali, te bulmakaugo tuabo wiegi yai nosai elalubo t̄q dabe dali mawai, te pris dabebolo, te augwali Arongo w̄aj̄ dabe dao.

20Te Kohatgo gasa hani mebago te Efraimgo hanide te t̄q me hanu meba sali. 21Te bidi dabego te hanu me si me si augwali mani. Sekemde, te bulmakaugo tuabo nosai wiegi yai elaluali te Efraimgo bulu dude, te bidi elali bidi dabe game wi duala sigi pabo hanu elaluali, me Geser, 22me Kipsaim, me Bethoron dali, te wiegi yai nosai bulmakaugo tuabo t̄q dali elaluali. 23Tama augwaligo te Kohat dabebolo te Dango hanigo hanu me si me si mani, te Elteke, me Gibeton, 24me Aijalon, me Gatrimon dali, te wiegi yai nosai te bulmakau dabego tuabo nosai t̄q dali elaluali.

25Te Manasego me badu hanigo te hanu si augwalibolo mani, Tanak, me Gatrimon dali, te bulmakaugo tuabo nosai elalubo wiegi yai t̄q dali mani. 26Te hanu nosali sabo Kohatgo hani sibi dabe, augwaligo te hanu nogo si dali, te bulmakaugo tuabo nosai elalubo wiegi yai t̄q dali sali.

27Te Livaigo gasa hani sibi te augwali nogi Gerson nogi wali, augwaligo te Manasego hani badu te hanu si sali, Golan te Basan pedai badu, te bidi elali bidi dabe game wi duala sigi pabo hanu me deli, me te Bestera dali, te bulmakaugo tuabo wiegi yai nosai elalubo t̄q dali sali.

²⁸Te Isakargo hanigo te hanu me si me si te augwali mani, te hanu nogi dabe Kision, me Daberat, ²⁹me Jarmut, me Enganim, te bulmakaugo tuabo wiegi yai nosai elalubo t̄q dali mani. ³⁰Te Asergo hanigo te hanu me si me si te augwali mani, Misal, me Apdon, ³¹me Helkat, me Rehop, te bulmakaugo tuabo nosai elalubo wiegi yai t̄q dali mani. ³²Te Naptaligo hanigo te hanu sela te Livai hani augwalibolo mani, Kedes te Galili pedai badu, te wiegi yai nosai elalubo badu, tama te da te bidi elali bidi dabe geme wi duala sigi pabo hanu me deli dao, tama me Hamotdor, me Kartan, te kibu bulmakau dabego tuabo nosai wiegi yai elalubo t̄q dali mawai. ³³Tama elama, tama te Gersongo hani sibi augwaligo te 13 hanu, me te augwali p̄de te bulmakaugo tuabo nosai elalubo wiegi yai t̄q dali sali.

³⁴Te Livai gasa hani me badu, augwaligo nogi te Merari wali, augwaligo te Sebulungo hanigo hanu me si me si sai, Jokneam, me Karta, ³⁵me Dimna, me Nahalal, te bulmakaugo tuabo nosai wiegi yai elalubo t̄q dali sali. ³⁶Te Rubengo hani augwaligo te hanu me si me si te augwali mani, Beser, Jahas, ³⁷me Kedemot, me Mefat dali, te wiegi yai nosai bulmakaugo tuabo elalubo t̄q dali mani. ³⁸Te Gatgo hani augwaligo hanu me si me si te tigidali augwali mani, Ramot te Gileat pedai badu, te hanu da te bidi elali bidi dabe geme dula sigi pabo hanu me deli dao, tama me Mahanaim, ³⁹me Hesbon, me Jaser, te wiegi yai nosai te bulmakaugo tuabo elaluali t̄q dali mani. ⁴⁰Te Merarigo hani sibigo te hanu nogo si olama, s̄aḡaḡo si hanu dali te sali.

⁴¹Te Israel dabe tigidali bidaluali t̄q pedai, te augwaligo te hanu bidi sese si olama, te a naga me sela, te tama hanu 48 dali, te bulmakaugo tuabo wiegi yai nosai elalubo t̄q dali, te Livai hani sibi augwalibolo mani. ⁴²Te tigidali hanu deli delide t̄qde te bulmakau dabego tubo nosai te p̄de elaluali.

Te Israel dabe augwaligo t̄q sali

⁴³Tialima, Genuai Bidigo te tigidali t̄q pedai te Israel dabe augwaliba mani, te polobadu agai te augwa w̄i dabebolo te bomo yai po daḡ wali tiwai gilama yali. Tama te Israel dabe augwaligo te bulu t̄q selama, tama augwali tede bidali. ⁴⁴Tama Genuai Bidigo te boi pilama wiegi yai pemene ebo sogo augwalibolo mani, te agai augwa w̄i dabe dali daḡ wali po tiwai gilama yali. Te haniani boi bidi hani dabe augwali te Israel dabe tigidali badu bidai goli, tama Genuai Bidigo augwali tau siyu, tama augwaligo augwa boi bidi dabe tigidali aiyaba elaluama, tama te boi bidi dabe deli mego te augwali aiyaba elaluainu ebo te usu meni yani. ⁴⁵Genuai Bidigo te tigidali wiegi yai te daḡ wali po te Israel bage augwaliba mu usu nama, tama te s̄e ela silali. Agai wali po me deli munu me tualubeo.

Te wẹ Jordan pade alta elaluali

22 ¹Nosali Josuago te Rubengo hani me, te Gatgo hani me, te Manasego hani me badu me, te augwali i olama, tama augwali deliba sisinagasali. ²Tama agai te tiwai po augwalibolo wali, “Dagego te tigidali se te Moses, te Genuai Bidigo se bidigo, te dagebolo weyu, te yao po wali se te tigidali ela silali. Tama dagego eno po tigidali wali pai.” ³Te tigidali sogo dagego te duga ama dede dabe tau sali, te megi e sogoba usu nani. Te deli sogo me dagego te augwali me tagalubeo. Dagego te Godigo po dabe bugagia wali pali, te dago Genuai Bidi dao. ⁴Megi te God, te dago Genuai Bidigo, te boi pilama wiegi yai pemene ebo sogo te dagego ama dabebolo mayu, te polobadu agai po daŋ wali tiwai gilama yali. Tialima, dage te duga beba ma geasa pelama, te to pedai te Jordan we u badu, polobadu Moses, te Genuai Bidigo se bidigo, te dagebolo mani. ⁵Tama dagego homu kone bugagia palama, tama te Genuai Bidigo se bidi te Mosesgo po dabe me te bomai po te dagebolo mani, bugagia wali pao. Te bomai po page e tiwai dao, dagego duga Genuai Bidi God godolo mu iyao. Tama dagego agai homu kolesaga me, po me, wali pao. Dage te aga dali bidiyu, tama dagego homu kolesaga me bomo tigidali te agaba munama, tama agai se yao,” agai te po wai.

⁶Tama Josua te wiegi yai po mobo augwali menama, tama agai augwali te Jordan we boloyu, augwa beba ma pomainu tagala palali. ⁷Mosesgo te Basan to te Manasego hani me badubolo mani, te Jordan we u badu, te giliga pedalubo badude. Tiali goli, Josuago te Manase hani me badubolo te to mani, tama te gasa Israel hanibolo me, te Jordan we e badu, te giliga dega sigilubo pedai badu, te to me mani. Te Josuago te hani te augwa buluba ma tagala palali sogo, agai te po mobo augwaliba mayu, ⁸tama agai te po wali, “Dagego te boide sali doado bage hauwa elalubao, tama megi dage duga buluba ma piyo. Dagego te bulmakau hauwa elalubo, me silva, me gol, me bras, me ain, tama ugwa me hauwa elalubao. Tama dagego te boi bidide sali doado bage meba te duga ude bidali abagi dabe mao,” wali.

⁹Tialima, te Rubengo hani bidi dabe, me te Gatgo hani, me te Manasego hani, te augwali te augwa buluba ma soali. Te hanigo te gasa Israel hani dabe te Silo bulu te Kenan dabego tode taga soyu, tama augwali te Gileat, te augwa toba soali. Augwaligo te to sali te Genuai Bidigo augwalibolo te Mosesgo pedauwalide wali pode tiwai gilama te to polobadu sali.

¹⁰Augwali Gelilotba sabolali, te Kenan dabego to te Jordan we sesegede, tama augwaligo te genuai alta me deli te bulu te we pade

¹ 22:2 Nam 32:20-32; Jos 1:12-15

dodolali. ¹¹ Tama tigidali gasa Israel dabego te tiwai sę yali po odali, “Odiao! Te Ruben dabego, me Gat, me Manase me badu, te tama hani bagego te alta me deli te Gelilot bulu, te Kenan tų sesegede, te Jordan wę pade, te da bidibo pedai badu te alta nigalio,” te po wabo odali. ¹² Augwaligo te po odama, tama tigidali te Silo buluba sisinama, tama augwaligo te hani sela dali boi hwjainogo sisi ilali. ¹³ Tialima, te Israel dabe augwaligo te Finias tagala palali, te pris bidi Eleasargo ogwa, te Rubengo hani me, te Gatgo hani me, te Manasego hani badi, te hani sela bidibo madiba te bulu Gileatba pai. ¹⁴ Tama te nogo si tobolu bidi dabe te Finias dali pali. Te bidi dabe augwali tigidali te Israel bidi dabe naga, tama te augwa deli hani sibi tobolu bidi dabe dao. ¹⁵ Augwali te Gileatba sabolama, tama augwaligo te tiwai po te Rubenbolo me, te Gat me, Manase me badu, te hani bage selabolo te po wali, ¹⁶ “Te Genuai Bidigo po odobo we bidi tigidaligo te tiwai po wali, ‘Magi baso dagego te dwai sę dena Godibolo yaliwe? Dagego te Genuai Bidigo po sela sęnana, tama dagego te duga alta te nigalio! Dagego te Genuai Bidi wali pabo aų me ebeo!’” ¹⁷ Polobadu dago te bulu Peorde te dwai sę yali, tama Genuai Bidigo te gasi tagala palama, tama aga we bidi dolali. Dagego homugo te dwai sę yali te usu ebe homu elama, tama dagego gasa dwai sę me ma yali da, agawe?” ¹⁸ Magi yaliwe, megi dagego te Genuai Bidi wali pabo hagela homu ebaso yaliwe? Te dagego agai po megi sela sęwani wida, teda do agai da Israel dabe tigidalibolo wado po waibao. ¹⁹ Te dage Genuai Bidigo gedude meda elaluyu, tama dagego tųde lotu wabo te usu meni ebaso da, teda dage te Genuai Bidigo tųba asių, te agai ugwa be elalubo buluba. Tede Godiba nai ula mabo alta elalubao, te dago Genuai Bidi dao. Tama dagego te da tomode te tų meba siagameo. Tiali goli, tiyu, te dagego Genuai Bidigo po sela sęyu, dagego te alta nigali gilama idalio. ²⁰ Dagego te Akan te Serago bulali wų ogwa te homugo gegeđa palamuo. Te hasia Godigo te Jeriko hanude nai sigio olama, habu selali elalubadi, tama Akango te po sela sęnana, tama te nai meba sali. Tama te tigidali Israel dabego te dwai sę yali sęęę tolali. Te Akango yali dwai sę te Akan aga delide naga me elalubeo. Menio! Te gasa Israel we bidi dabe augwali me dolai dao!’ we bidi tigidaligo wali,” augwaligo te po wai.^o

²¹ Tialima, te Rubengo hani, me te Gatgo hani me, te Manasego hani meba me, te augwaligo te hani sibi tobolu bidi augwalibolo te tiwai po wei ponani, ²² “God te tigidali bomo elalubo! Agaduba deli naga te Genuai Bidi dao! Te dago magi baso te sę yali, te agai koneani. Tama dago homugo te dagego me konemainogo yaibao! Te dago Genuai Bidigo po sela sęnana, tama dago agai bomai po wali pisųwai baso da, teda dagego da te bidibo ula elalu bidimainu me gogolamu dao! ²³ Te dago

Genuai Bidigo po sela şanama, tama dago te dena alta digi nigilama, tama te ofa ebo nai ulai digi, te wit ofa ilabo me, te deli homu ilabo ofa me, te şe yaibaso da, teda Genuai Bidi agai digi da dene ilimainogo yao. ²⁴Tiali goli, meniama, dago te şe işabaso da, magi baso, te da wi eyu, tiyu te nosali dagego wai dabego te tiwai po weyu, ‘Te magi baso dagego te God, da Israel dabego Genuai Bidibolo lotu po obawe?’ po waibao. ²⁵‘Genuai Bidigo te weş Jordango da dai tomode muani, tama dage te Ruben me Gat tego hani we bidi dabe, dage te Genuai Bidigo hani meni,’ te po waidalio. Tama tiyu, te dagego wai dabego te dago wai dabe paliama, tama augwaligo te Genuai Bidibolo lotu po me wagobeo.”

²⁶“Tama tibaso, dago te alta nigali. Te ofa yabo nai dabe, me te gasa tobage ofa, te ofa dabe yabo te me egobeo. Menio! ²⁷Te dago hanide dai me deli, me te dage hanide dai tama te dago wai dabe ola mani, te aga ugwa bede dago lotu te Genuai Bidiba naga weyu, tama dago te ofa ebo nai dabe ulubo da, tama te dwai şe ebo ofa, me te deli homu ebo ofa me, te ofa yaibao. Tiyu nosali dagego waişigo te dago hanibolo te tiwai po waidalio, ‘Dage te Genuai Bidigo hani menio,’ te po waidalio! ²⁸Dago te tiwai homu yali, ‘Te tobage posobo po te dabolo me te dago wai dabebolo wabo side, teda dago te po wainogo, “Suao, te alta dago aya dabego nigali, te dagego alta tobage deli tiwai e elalubao,” omainogo yali. Tama te olo nai dabe me te dwai ofa ebo te tiwai me ebeo. Menio! Te alta da, te dago hani dali, te dage hani dali, te dai deli naga iliyu hanilama tiwai yali,’ dago te homu yali. ²⁹Dago te olo nai, te hasa, me te wit, me te dwai şe ilibo ofa te tiwai me ebeo. Dago te tiwai şe ebo hagela yai. Mu menio. Te dago tama tiyu da, te Genuai Bidigo po sela şanama, tama tudiba muaibao. Dago te Godigo alta te me hasegelegobeo, te dago Genuai Bidi, te alta aga ugwa be te gedude dolalubao.” Te Ruben, Gat, te Manase bage meba me, te hani selago te po wai.

³⁰Te pris bidi Finias te augwa we bidigo genuai dabe dali, te augwali te Israel hani sibi dabego tobolu bidi dao, augwaligo te Rubengo hani me, te Gatgo hani me, Manasego hani, te augwaligo wabo po odama, tama augwali wiegi yai homu pemene yai. ³¹Tialima, Finias, te pris Eleasargo ogwago te Ruben, me Gat, me Manase, te hanibolo te tiwai po wali, “Megi dago koneani, te Genuai Bidi da dali bidibo, magi baso meni, dagego agai po me sela şabeo. Tama tibaso, Genuai Bidigo da dali wado po me wagobeo,” wali.

³²Nosali Finias, me te tobolu bidi dabe, augwaligo te Ruben, me Gat, me Manase, te hani augwali te Gileat bulude taga peyu, tama augwali te Kenanba ma pelama, tama te wali po dabe te Israel dabebolo pusigi pali. ³³Tama te Israel dabego te augwaligo pusagasali pode te augwali wiegi yai homu pemene yai. Augwaligo te God nogi ugwaba siyu, tama augwaligo te Ruben, me Gat, te augwali dali boi hwişigi pabo homu eyu,

te augwali bidali t̄q doligi pabo homu yali, te homu kone munu me ebeo. ³⁴Tama tialima, te Ruben dabe, me te Gat dabe, te augwaligo te alta nogi poali te “Hania Haninama Pusali,” magi baso meni, augwaligo te po wali, “E altago da tigidalibolo d̄aḡ iliyu, hanilama e po oda mabo dao, te Genuai Bidi aga deli naga te God dao,” wai.

Josua isali

(D̄aḡ 23-24)

Josuago po te we bidibolo pusa mani

23 ¹Te kibu be hauwa bidama, tama Genuai Bidigo te boi pilama wiegi yai pemene ebo sogo te Israel dabebolo mani. Tama augwaligo te bidalua pabo boi bidi dabe dali te boi me hw̄ibeo. Te megī da, te Josua monu dabe mu yali. ²Tialima, agai te Israel dabe tigidali i olama, tama te tobolu bidi dabe me, te genuai bidi dabe me, tama te tonalubo bidi dabe me, te ofisa bidi me, augwali i olama, tama agai augwalibolo te po wali, “Megī da, ena monu dabe yalio. ³Dagego digi te tigidali s̄e te God, dago Genuai Bidigo, te boi bidi hani dali te dage homugo koneama, te s̄e yali dagego suali. God, te dago Genuai Bidigo, te dagego boi hw̄ibadi tau sali. ⁴Megī te dagego bugagia odiāo! Te gasa hani dali tama te elalubo t̄q, te eno dagebolo somainogo sa muani. Eno te boi hw̄inama aiyaba elalualu hani dali te tiwai naga yali. Tama dagego t̄q te w̄e Jordan sesege badu gagalasa pali, te giliga pedalubo madi, te Mediterenian Tamu Aḡ badu, te giliga dega sigilubo pedai badu d̄aḡ igi pali. ⁵God, dago Genuai Bidigo, te boi bidi dabe ela gudulama, tama dagede wi eyu pomainogo ilaibao. Tama te dagego augwaligo t̄q saibao, te Godigo bomu yai po d̄aḡ wali tiwai gilama yaibao.”

⁶“Tama dage bomu mu dolaluyu, tama bugagia dua tama elama, tama dagego te tigidali po te Mosesgo aṣ̄ani bukude elalubo bomai po wali pīāo. Dagego te agai po dwasianu me deli tagalamuo. ⁷Tama te dage tomode bidalubo gasa we bidi hani dali deliba me sisinamuo, tama dagego te augwaligo tibo god nogi te me nogilamuo, tama dagego te mu po d̄aḡ walainu te augwali nogi me nogi igio. Tama dagego te kidu sugunama, tama te augwaligo tibo godiba lotu po me wagio. Menio! ⁸Tialima, te dagego te Genuai Bidi dali bugagia k̄eḡ pelama, tama aga wali peyu, te megī tama dagego te ela asali tiwai gilama yao.”

⁹“Genuai Bidigo te genuai bidi dabe me, te bomai we bidi hani me, sela ṣ̄ayu ela gudulama, tama mena bidi me deli te aga bomu elama dolalu, te dage me sela ṣ̄ābeo. ¹⁰Te dage hani bidi me deligo te umabo bidi mu, te 1,000 bidi dabe te wi pomainu ilibo s̄e ebaso, te usu yai dao, magi baso meni, God, te dago Genuai Bidigo, te dage tau siyu, augwali dali hw̄jai

dao, te agai polobadu po daꝓ wali tiwai gilama yaibao.^p ¹¹ Tama tibaso, dage te duga ebo kolesagade te bugagia dua yao. Dagego te dena Genuai Bidi, God, te godolo mu yao,” wali.

¹² “Tiali goli, dagego te dena God tagaliyu, tama dage te hwɨbode isiꝓwai gasa hani we bidi te dage tomode bidalubo bage dali sisinama, tama dagego augwali dali we si ebaso da, ¹³ teda dagego koneani, te Godigo te augwali munu me sela saꝓobeo. Menio. Te dagego boi bidi mu augwali pedelaibao. Te augwali te dage tulaluabo tɔ dedage tiwai elaluaibao. Tama augwaligo dage te keloago dene mayu, te bidi tudi badu elibo tiwai gilama dene mawaibao, tama te sesanigo bidi gedude enibo tiwai gilama yaibao. Tama te seꝓe elalubadi, te dage tigidali te e wiegi yai tɔde polo isaibao, te dena Genuai Bidigo dagebolo mani tɔ.”

¹⁴ “Tialima, megi ena te tɔde bidibo sogo silainogo ebao. Dagego mu koneani, God, te dago Genuai Bidigo, te tigidali wiegi yai nai te po daꝓ wali nai mena silali. Te agai po daꝓ wali nai te tigidali pedela silali, te agai wali po me deli munu me tulalubeo. ¹⁵⁻¹⁶ Mu tama, God, te dago Genuai Bidigo, te agai po weyu, te seꝓ yaibao wali te tigidali wiegi yai seꝓ ela silali. Tiali goli, dagebolo te Godigo wali bomai daꝓ wali po, te dagego boloyu, bugagia wali me pisꝓyu, tama dagego te tibo godiba lotu weyu, tama dagego te augwaliba kidu sugunubaso da, teda Genuai Bidigo dagebolo wado po weyu, tama agai dageba dene ilama, te dage tigidali agai te mani wiegi yai tɔde polo isimainogo yaibao,” Josuago te po wali.

Josuago te Sekemde we bidi dabe dali po miani

24 ¹ Josuago te Israel hani tigidali te Sekemba sisinani, tama nosali agai te tobolu bidi dabe me, te genuai bidi dabe me, te tonalubo bidi dabe me, te augwali tigidali i olama, sisinama, tama augwali te God gedude doligi pali. ² Tama Josuago te tiwai po te tigidali we bidibolo wali, “Te Godigo po, te da Israel dabego Genuai Bidigo po, te tiwai obao, ‘Polobadu mu te dagego wꝓ dabe augwali te weꝓ Yufretis pedai u badu bidali. Tama augwaligo te tibo godiba lotu po wai. Te wꝓ me deli nogi te Tera, tama aga te Abraham de Nahor sigo aya dao.’ ³ Tiali goli, eno te duga wꝓ Abraham te weꝓ Yufretis u badu elaluali tɔde selama, tama eno aga te Kenan tɔ pedai tigidali badu selasa bilali. Tama eno te agabolo wꝓ hauwa mani. Eno te ogwa Aisak deli agabolo mani,’ ⁴ tama eno ogwa si mani, Jekop me Iso, te Aisakbolo mani. Tama eno te bulu du Seir, aga gasa nogi me Idom, te Iso mani, te aga tɔ gagalama bidali. Tiali goli, Jekop me, te aga hani wai dabe dali, augwali te Isipba pali.’”^s

⁵ “Te nosali eno te Moses de Aron si tagala palama, tama eno te dwai nai dabe mugo te Isip dabe mu dolali. Nosali eno dage te Isip taga soyu,

^p 23:10 Bom 3:22; 32:30 ^q 24:2 Gag 11:27 ^r 24:3 Gag 12:1-9; 21:13

^s 24:4 Gag 25:24-26; 36:8; 46:1-7; Bom 2:5

tama eba odasa asali. ⁶Eno dagego aya selama, tama te Isip taga soyu asali. Tama te Isip dabego te bomai hwjbo nai karis, me hos me selama, tama dage soali wali pobeasa asali, te augwali te nosai elalubo tamu aḡba sabolali. ⁷Tiali goli, te aya dabe augwali wi elama, tama eno te Israel dabe tigidali augwali tau somainogo te i bomonama mu wali, tama eno te be hulua sabo tiwai te augwalide te Isip ami dabe dali si tomode muani. Tama eno te tamu aḡ peda pomainogo ilama, tama te Isip dabe mesega sali. Dagego eno te Isip dabede yali sę te dagego suai dao. Tama nosali dage te kemi tḡ bulude sesabi elama, hauwa sogo mu bidali.’”^t

⁸“ ‘Nosali eno dage te Amor dabego tḡba te Jordan wę pedai te giliga pedalubo badu odasa pali. Tama augwaligo dage dali hwḡani. Tiali goli, eno dage tau selama, tama dagego augwali aiyaba elaluali. Tama dagego augwaligo tḡ sali, magi baso meni, ena polasa peyu, tama eno augwali dolali.’”^u ⁹Nosali Balak, te Moap dabego tuni bidi Siporgo ogwago, te dage Israel bage dali hwḡani. Agai po te Balambolo ola tolali, te Beorgo ogwa, tama agai te po dwai me deli weyu, tama dage dolomainogo hanalu wali. ¹⁰Tiali goli, eno te Balamgo po odobo hagela homu yali, tama agai te dwagi yai mobo dagebolo maidu geani. Tama eno dage te Balakgo nogode ma dobola sali.’”^v

¹¹“ ‘Dage te wę Jordan nogelama, te Jerikoba sabolali. Tama te Jeriko bidi dabego dage dali boi hwḡani. Tama te Amor dabe me, te Peres dabe me, te Kenan me, te Hit dabe me, te Girgas me, te Hivi dabe me, te Jebus dabe me, te augwaligo me dage dali boi hwḡani. Tiali goli, eno augwali dagego nogoba muani.’”^w ¹²Ena dage asobadi polasa peyu, tama eno digi te boi bidi dabe wi ilama, tama augwali sela sawai dao, tama te tialigo te Amor tuni bidi si wi pomainu ilali. Tiali goli, duga digi te poai hwaḡe bainatgo, me te sesemonego te augwali si gudulu baso wi me pabeo.^x ¹³Tama tiyu, eno dagebolo te tḡ me deli te duga digi sę me isawai digi, te tḡ dagebolo mani. Tama eno dagebolo te dagego me nigisiawai hanu me mobadi yali. Megi dage te bulu dabede bidaluyu, tama dagego te ni du wain, me te ni oliv me tuyu bidibao. Tiali goli, te duga digi me bulusiawai dao,’ dago Genuai Bidi God agai te po obao,” Josuago te po wai.’”^y

¹⁴Tama Josuago po ma weyu, te po wai, “Tialima, megı da, dagego te Genuai Bidi dologode bidiyu, agaba lotu po weyu, tama sesemane sogo dagego agade sę te dagego bomu tigidali teba munama, sę yao. Dagego te tibo godiba homu kone ebo tagalama, te duga wai dabego te Mesopotemiade me te Isip pedai badu side bidali sogo augwalibolo te lotu po wali. Dagego te Genuai Bidiba naga lotu po wao. ¹⁵Tiali goli, dagego

^t 24:7 Sai 14:1-31 ^u 24:8 Nam 21:21-35 ^v 24:10 Nam 22:1-24:25 ^w 24:11 Jos 3:14-17; 6:1-21 ^x 24:12 Sai 23:28; Bom 7:20 ^y 24:13 Bom 6:10-11

te Genuai Bidiba lotu wabo hagela homu ebaso da, teda dagego bugagia homu kone palao. Te dagego lotu po debolo waibawe? Te duga wāigo te Mesopotemiade te tibo godiba lotu wali te Godiba lotu po waibawe? Ma, te Amor dabego tibo god, te megī te dage te bidibo tōde te Godiba lotu waibawe? Tiali goli, ena, te ena we wai sibi dali, te dago da te Genuai Bidiba naga lotu po waibao,” Josuago te po wai.

¹⁶Tama te we bidi augwaligo te tiwai po wei ponoyu, te po wai, “Dago te Genuai Bidi tagalama, te tibo god dabeba lotu munu me wagobeo! Mu menio! ¹⁷Te Genuai Bidi deli naga te dago God, tama agai te da dali, te dago aya dede dali, te Isip kalabus sēde bidibadi, te da ma dobola selama, odasa asali. Tama dago te agai te ebo bomai sē suali. Te da gasa hani dabego tōde bilaluali sogo, tama da te mena pabo sogo me, te Godigo da bugagia tonalualigo te da bugagia bidali. ¹⁸Te da asali sogo, Genuai Bidigo te tigidali hani bage ela gudulubo sē yali, te Amor dabe dali, augwali te e tōde bidibadi tiali. Tama tibaso, dago me te Genuai Bidiba lotu waibao wali. Aga deli naga te dago God dao,” augwaligo te po wai.

¹⁹Tialima, Josuago augwalibolo te po wei ponani, “Te dagego homugo te Genuai Bidiba lotu po wabo homu ebawe? Aga te magi dwai sē isiāma, tama agai homugo te dagego tibo godiba lotu wabo hagela homu ebao. Agai homu te tibo god me deligo aga me hasegelegobeo. Te agai dagego sege me dwai sē yali te me sela saḡobeo. ²⁰Tama mu tama, agai polobadu dagebolo wiegi yai sē mu yali, tiali goli te dagego Genuai Bidi tagalama, tama te gasa hanigo tibo Godiba lotu po obaso da, teda Genuai Bidigo po wado po olama, tama agai dage dene ilama, tama agai dage dolaibao,” te po wai.

²¹Tiali goli, te we bidigo Josuabolo te tiwai po wei ponani, “Mu menio! Te sē me egobeo. Te dago Genuai Bidiba naga lotu po waibao.”

²²Tialima, Josuago augwalibolo te po wali, “Duga digi haninama pusali, tama duga digi te Genuai Bidiba naga lotu po wabo po daḡ wali.”

Tama augwaligo te po wali, “Te tama dao! Dago haninama po pusali. Te dena digi dade wali po dao.”

²³Tama Josuago po ma wali, “Tialima, dagego te gasa hani dabego te tibo god dage tomode bidalubo te dagego sela saḡao. Tama dagego duga homu tigidali te God, te duga Israel dabego Genuai Bidiba muao.”

²⁴Tama te we bidi augwaligo Josuabolo te po wali, “Dago te Godiba lotu wainogo, te dago Genuai Bidi, tama aga bomai po naga wali paibao.”

²⁵Tialima, te sogo Josuago te we bidi dabe dali po me deli daḡ walali. Tama te bulu Sekemde Josuago te bomai po me te po me aḡenama, augwalibolo mani, te augwaligo wali pomainogo. ²⁶Josuago te po dabe te Godigo bomai po elalubo buku me deli tomode aḡeni. Nosali agai te masigi me deli selama, tama te ni kali paḡde, te Genuai Bidiba lotu po wabo madi paḡde te masigi dolaluama, muani.

²⁷Tama Josuago te we bidi augwalibolo wali, “Te sesemane sogo dago te masigi subo sogo da, te dago homugo te dago te daꞗ wali poba homu kone ma palaibao. Te masigigo te Genuai Bidigo dabolo wali po tigidali odali. Te dage homu hodolabo daꞗ me deli te ilali, te dagego te dena Godigo po munu me sela saꞗnamu dao,” te po wali.

²⁸Nosali Josuago te augwali te augwaligo sabo tɔba ma tagala palali. Tama tigidali te augwa buluba ma pelawali.

Josua de Eleasar si isali

²⁹Nosali Josua, te Nungo ogwa, te Genuai Bidigo se bidi, aga isali. Tama aga isali sogo agai kibu be te 110 kibu be yali. ³⁰Augwaligo aga te tɔ doba yali sogode agai sali tɔ Timnat Sera tede pubulali. Te bulu te not te bulu du Gas, te Efraimgo bulu du, te pedaide dao.^z

³¹Te Josua bidibadi, te sogo da, te Israel dabego te Genuai Bidiba lotu po uduai. Tama nosali te Josua isai madi me te augwaligo Genuai Bidiba lotu po udali. Augwaligo tama tidubadi, te Genuai Bidigo te Israel dabe tau siyu ebo se suali te genuai bidi dabe augwali me isali.

³²Te Josepgo dili te we bidigo Isipdu tolasa asali, te augwaligo te Sekemde pubulali, augwaligo te Jekopgo te mone 100 silvago te Hamorgo ogwa dabe dali polobadu abelali, te tɔde pubulali. Hamor te Sekemgo aya dao. Tama Josepgo hani augwaligo te tɔ sali.^a

³³Tama Eleasar, te Arongo ogwa, te isibaso, tama augwaligo aga te Gibeade pubulali. Te hanu augwaligo te aga ogwa Finiasbolo mani, tama te Efraimgo bulu du te badu elalui dao.

^z 24:30 Jos 19:49-50 ^a 24:32 Gag 33:19; 50:24-25; Sai 13:19; Jon 4:5; Tpi 7:16